

IIIIII-
 OOO IIIIIII,

IVRISCONSULTI,

Observationum Liber

secundus.



Τῆς ἐπιμελείας διδρα πάντα γίνεται.

BASILEAE, APVD NICO-


laum Episcopium Iuniozem,

M. D. LXI.


INDEX CAPITVM


LIBRI SECVNDI OBSER- uationum.


- D**isputatio de vulgari genere cōuentionis, quæ Em-
priorredituū appellatur, aduersus ~~l. i. de reg. iur.~~
~~Regula. Proempt. ex uend.~~ Cap. I.
- De feudis, & quæ illorum origo fuisse uideatur. Cap. II.
- De regula Catoniana. Cap. III.
- Quid sit regula iuris. ubi explicatur l. j. D. de reg. iur.
Caput III.
- Quid sit, Populum fieri fundum, in oratione M. Tullij
pro L. Cornelio Balbo. Cap. V.
- Lacunæ aliquot in eadem orat. pro Balbo indicatæ, &
simul menda quædam typographorū sublata. Cap. VI.
- Sublata quædam menda ex l. j. D. de seruit. rust. & si-
mul itineris, actus, uiæ differentia tradita. Cap. VII.
- Aliquot menda è libro Ciceronis De officijs primo, su-
blata. Cap. VIII.
- De usuris rusticanis, ex constitutione Iustiniani No-
uella xxxiiij. Cap. IX.
- De eo quod interest. Cap. X.
- Interpretatio legis unicæ C. de sententijs quæ pro eo
quod interest, proferuntur. Cap. XI.
- De mora eiusq; partibus. Cap. XII.





[Faint, illegible handwritten text, likely bleed-through from the reverse side of the page.]











iuuandī tantūm debitoris caus̄sa fieret,
quemadmodū in antichresi fieri prō
bauimus: tamen fraudationis omnis &
fallaciæ uitandæ caus̄sa, quæ in proprie-
tate fundi interuertenda præcipuè uersa
tur, hoc casu Ciceronis Consul̄is aucto-
ritatem retinendam putarem, qui satius
etiā censuit, possessiones creditoribus
per antichresim oppigneratas uende-
re, quā perpetuò certare cū usuris fru-
ctibus prædiorum. Meo, inquit, benefi-
cio tabulæ nouę proferentur, sed auctio
nariæ. neq; enim isti, qui possessiones ha-
bent, alia ratione ulla salui esse possunt.
quod si maturius facere uoluissent, neq;
id quod stultissimum est, certare cum u-
suris fructibus prædiorum: & locuple-
tioribus

DE FEVDIS: ET
QVAE ILLORVM ORIGO
fuisse uideatur.

Caput II.

FEVDM, barbarum uocabulum est, e Gothorū & Langobardorum fontibus deriuatum: qui Iustiniano pulso, Italiam, suis fugatisq; incolis, annos ad ducentos occuparunt. Genus est clientelae, quo uel dignitas, uel uectigal, uel praedium aliquod ea lege alicui datur, ut & ipse, & ipsius posterī atq; heredes, beneficii auctorem perpetuò agnoscant, & quasi

quasi pro patrono colant: eiusq; caput, existimationem, ac fortunas tueantur. Illius enim causa & origo hæc fuit, ut uictores cum gratiam suis ducibus, præfatis, ac militibus pro opera in bellis ac præliis egregiè nauata referrent: honoribus & fortunis Italorum in illos transferendis: tum etiam certos sibi deuinctos, & tanquam deuotos clientes haberent, quorum opera, bello partam regionem, in posterum, si opus esset, tueri possent: quos sua lingua modò Valuatores, modò Vassallos appellarūt. Sic L. Syllam uictorē legimus, agros ipsius municipijs quæ cōtra se p Mariana factione arma tulerant, ademisse: eosq; ueteranis militib. suis diuississe. Sic & Plutarchus, & Appianus, & Higinus, & Flaccus scribunt, Romanos exterarum gentium uictores colonias in earum agros deduxisse: ut & ueteranis benefacerent, & ibi præsidium ac propugnaculum tum aduersus rebellium, tum etiam aduersus finitimorū impetus haberent, quæ Coloniae propterea militares appellatae sunt. Sic Pomponius Lætus ueterem fuisse
con-

consuetudinem scribit, eamq; à Constantino repetitam, ut Tribunis, præfectis & ducibus qui pro augendo imperio consenuerant, darentur agri, uillæq; , ut necessaria suppeteret quoad uiueret: quas Parochias uocabant. Hoc igitur cliente læ genus à Gothorum Rege primùm institutum, pòst ab omnibus inferioribus ordinibus usurpatum est. Vnde tres Feudorum gradus facti sunt: summus, medius, infimus. Summus ordo est, principum ac procerum, qui lingua illorum Capitanei Regni, Duces, Marchiones, & Comites appellati sunt: & à Rege tū illis honoribus afficiebantur, tum etiam Italiæ oppidis ac uicis, locupletum etiā uictorum arcibus ac uillis donabantur. Quæ Feuda quia partem aliquam Regiæ dignitatis obtinebāt, (qui enim Duces & Marchiones nunc appellant, Reguli olim fuerunt) ideo Regalia dicta sunt. Itaq; potestas eis data est cudendæ pecuniæ, creandorum magistratuū, salinarū & fodinarū exercendarū, caduco rū, confiscationū, earumq; functionum, quæ Angariæ & Parangariæ appellatur: quæ

quę iura uulgo iura Regalię, (corruptę,
ut opinor, pro Regalia) nominantur.
Medius ordo eorum fuit feudorū, quę
principis illius ordinis procures Regis
concessu ea lege alijs inferioris dignita-
tis hominibus dabant, ut Vassalli ipsos
secundum regem eius beneficij aucto-
res ac patronos agnoscerent, & pro ca-
pite ac fortunis ipsorū, si usus ferret, pu-
gnarent. Quo in numero ij qui uulgo il-
lorum lingua Barones, ac Maiores ual-
uasores, siue Vassalli appellātur, fuerūt.
qui patronos quidem illos agnoscebāt,
sed tamen, ut iam dixi, secundum Regē.
Infimus ordo eorum fuit, quę à secundi
ordinis Vassallis in priuatos conferebā-
tur: siue illi nobiles essent, quam nobili-
tatem armis pepererant: siue ignobiles.
Nam utriq; eadem qua superiores iuris-
iurandi formula obligabantur: quę ab
Vberto nescio quo, in eo libro qui uul-
go Vsus Feudorum inscribitur, barbarę
& fœdę perscripta, solā hęc habet, quā
antea dixi, sententiam: ut cliens patrōnī
sui caput, existimationem, ac fortunas,
quoquo modo poterit, contra quem-
cunq;

cunq; aduersarium, solius Regis maiestate excepta, tueatur. Quam ad rē cū & uoce & manu ac ferro esset opus, propterea constitutum est, ut neq; muti, neque surdi, neq; manci, neq; membris capti, ac ne foeminae quidem, nisi extraordinario ac singulari quodam beneficio, feudum accipere possent. Item ut impubes patre mortuo, neq; ad iusiurandum, neq; ad officium præbendum teneatur. Quæ igitur bona eo, quo diximus, iure essent, Langobardico uocabulo Feuda dicebantur: quorum contraria, iisdem auctoribus, Allodia, uocabulo ignoto & barbaro appellata sunt. Tradendę autem possessionis, quam barbari Inuestituram appellant, forma duplex fuit: aut inductione in prædium, & in rem præsentem itione: aut simulacro aliquo, qđ eius rei insigne esset: ueluti hasta, uel gladio, uel annulo porrigendo. Eamq; possessionis accipiendę formulam, non satis erat semel usurpatā esse: sed quoties nouus uel patronus, uel cliens succedebat, toties eam, clientelę & obligationis testificandę causa repeti, ac renouari oport-

ri oportebat. Possessione autem accipienda, ius hoc quæritur, ut prædia sint gentilitia: cuius generis nulla se in iure suo ciuili nosse, Cicero in oratione pro Flacco dicebat: id est, ut quãdiu quis ex ea gente ac stirpe super sit, tandiu Feudum in ea familia maneat. Itaq; primùm ad liberos, eosq; uirilis sexus, tum ad agnatos, ordine, ut quisque gradu proximus est, trans it: ubi nullus ex ea stirpe super est, tum quasi caducum, ad patrônũ redit. Itaq; cùm Feuda gẽtilitĩa sint, & ordine gradatimq; ad omnes transeant, sequi etiam illud oportet, ut neq; alienari in extraneum, nisi & liberis & gẽtilibus omnibus consentientibus, neq; in remotiorem agnatum, prætermisso priore, transferri possint. Quòd si factũ esset, tum ut liberi, etiam parente uiuo, sed oblato pretio, ea intra annũ repetere ac reuocare possint: sed si prior agnatus Feudum in remotiorem agnatũ alienatum, reuocare uelit, id, non nisi alienatore mortuo, facere possit: quod ei etiam sine ulla pretij restitutione facere licebit. Anno autẽ præterito actio per-

imitur: quasi silentium tacita quædam
cōsensus significatio fuerit. Quòd si aut
gentiles nulli extent, aut nulli contradi-
cant, tum & à patrono uenia postulāda
est, & si ratam alienationem habeat, pos-
sessio ab eo, paganis quidem intra an-
num & diem, militibus uerò intra an-
nū & mensem, petenda est. Committe-
batur præterea Feudum impietate clien-
tis in patronū, desertione patroni in præ-
lio, attentata patroni uxoris, filia, nūrus
ue pudicitia, & quibus uis alijs præte-
rea rebus, quæ ingrati animi uitio conti-
nentur. Itaq; nisi uel patrono, uel cliente
nouo succedente, & iusiurandum reno-
uaretur, & possessio, siue inuestitura, re-
peteretur: Feudum patrono cōmitteba-
tur. At si atrocius aliquod crimen à cli-
ente, non aduersus patronum, sed aduer-
sus alios commissum esset, ueluti si se cli-
ens parricidio polluisset: tum si quidem
ipse Feudum primus adeptus esset, ad
patronum redibat: sin à patre, aut maio-
rib. accepisset, ad liberos próximos ue
agnatos transibat. Atq; hæc quidem de
clientum peccatis, propter quæ Feudis
suis

suis multantur, dicta sint. Patroni autem suo illo iure, quod in prædijs retinebāt, quodq̃ uulgo directum dominium appellant, tum multabantur, idq̃ suis clientibus committebant, cum id in se crimē admiserant, propter quod clientem suo Feudo multari oportuisset. Sed de Feudis, summatim satis uidetur dictum: præsertim cum eorum ius pro cuiusq̃ gentis moribus atq̃ institutis uariū & multiplex esse constet: quod si cui plura istius generis libet cognoscere, extat libellus Orberti Ortensij, qui Vsus feudorum inscribitur, ex quo tanquam Augiæ stabulo, hæc cuiusmodi sunt, desumpsimus. Nam eorum libros qui postea hoc de genere scriptitarūt, ingeniorū carnificinam uerius quàm studiorū adiumētum appellare, meo qdē iudicio, possumus.

DE REGULA

CATONIANA. CAP. III.



Catonis sententia est, cum ex uarijs Iuris ciuilibus partibus, tū etiam ex æquitatis naturalis obseruatione nata: Quod si

B 2

testa-

testamenti facti tempore decessisset testator inutile foret: id legatum quando cunque decesserit, non ualere. Cuius rei ratio non modò ex iure ciuili, uerùm etiam ex naturæ fonte, id est ex communi hominum sensu atque intelligentia petenda est. Ergo quod quidem ad ciuile ius attinet, quemadmodum de ijs demum rebus rectè negotium gerimus, quæ statim dominio nostro subijci possunt, l. inter stipulantem, 83. D. de uerb. oblig. ita eas res solas, rectè legamus, quæ statim in legatarij dominium peruenire possunt. legare namque est dominium transferre. Quantum ad æquitatem naturalem, illud constat: cùm testatoris certam mentem atq; uoluntatem esse oporteat, (sicuti Vlpianus in Institut. scribit:) eum præsentis temporis conditionem spectasse, deq; ea statuisset iudicamus: non autem incerto futuri temporis euentui rem commisisse. quippe cùm alioqui testamenta non ex testatorum mente (quæ in ijs dominari debet) sed ex casu & fortuna penderent. quod ab exemplo intelligi poterit. nam cùm

res

res mea mihi legari non possit, si qui
meus est iam fundus, mihi legatus es-
set, & eum aliquanto post ante mortem
testatoris alienarem, dein testator dece-
deret: iniquum esset, me illum ab here-
de petere, quia legatum non ex fortuita
posterii temporis mutatione, sed ex præ-
sentis temporis conditione æstimandū
est: quasi testatoris mens hæc fuisset, ut
fundum illum legaret, si tum capi à lega-
tario posset. testamenti autem tempore
capi non poterat. quod si quia forte alie-
nus factus est, propter mutatam condi-
tionem peti posset, testamentum nō ex
certa testatoris mente atq; uolūrate, sed
ex incerto & fortuito posterii temporis
euentu ualeret. Itaq; Vlpianus in l. cete-
ra, 41. D. de legat. primò: Siquidem, in-
quit, ab initio non constitit legatum, ex
postfacto non conualescit. quemadmo-
dum nec res mea legata mihi, si post te-
stamentum factum fuerit alienata: quia
uires ab initio legatū non habuit. quod
idem scribit Iustinianus §. sed si rem 10.
De legat. idq; ita disertè ac perspicuè, ut
dubitari non possit, quin Celsus in l. j. D.

de reg. Caton. contra Catonianam regulam in contrariam sententiam disputās, uel magno & pudendo errore sit lapsus, uel, ut eo loco adscribitur, cauillatione usus. sed nō est nouum, Celsum in libris nostris ciuilibus reprehendi. Atq; hæc quidem de rei legatae mutata conditio-
ne dicta sint. Simillima ratio est, cū personæ legatarij mutata conditio est. nam cū heredis seruo propterea legari nō possit, ne ipsi heredi legata res sua uideatur, §. an seruo, 28. De legat. si quid ei legatum sit, non propterea conualescet, quia post testamentum factum, & ante testatoris mortem seruus manumissus & liber ac ciuis R. factus est, ne, ut antea dicebamus, non ex testatoris mente, sed ex incerto & fortuito futuri temporis euentu testamentum ualeat. Iudicarunt enim Iurisconsulti, mentē testatoris hāc fuisse, ut ita demum legatū ualeat, si quo tempore legatum ascribit, ea personæ legatarij conditio sit, ut capere legatū possit. Ac de regulæ quidē Catonianæ summa æquitate & perspicua ratione, satis dictum esse arbitror. nunc quæ cōtra illam
lam

Iam Celsus afferat, operępretium est co-
gnoscere. Si quis, ait, ita legauerit, SI
POST KALENDAS MORTVVS
FVERO, TITIO DATO. Definitio
falsa est. quanquam si statim mortuus fu-
erit, non esse datum legatum uerius est,
quàm inutiliter datum. Aliud enim est,
non ualere legatum, aliud non datum es-
se. illud ad ius pertinet, hoc uerò ad fa-
ctum. At Cato loquitur de ijs quę iure
non ualent. dixit enim QVOD INV-
TILE FORET: ubi subaudiendum
est, ipso iure: quia uel legata res est, quę
legari iure non potest: uel ei legata est,
cui legari non poterat. Verũ id ex caus-
sę constitutione planius intelligetur. In-
tentio igitur legatarij hæc erit: Debes
mihi centum ex causã legati. D. non de-
beo. Q. an debeat. R. q̃a quod ab initio
fuit inutile, postea nō conualescit. Illud
autem propterea fuit inutile, quia testa-
tor non est ante kalendas mortuus. Inu-
tile autem dicitur, quod quoquo modo
non ualet. F. Imò inutile in regula Cato-
niana dicitur, quod iure non ualet: id est
quod ius non fuit legari. ius autem sine-

bat & rem legari, & ei personæ legari. Disceptatio ex scripti ambiguitate nascitur: An id demum legatum à Catone inutile dicatur, quod ipso iure non ualeat: id est, quod ius nō fuit legari. Quod uerò in eadem lege sequitur, aut totum falsum & negatoriū est, ut superius docuimus: aut cū paulo antè dictum sit, AN CAVILLAMVR? Verisimile est, addita quædā à Celso fuisse, quæ puer Tribonianus, cui ille refecandi loci negotium dederat, non satis animaduertit. cuiusmodi innumera in Pandectis nostris reperiri, uulgo iam notum est. Iam uerò quod ad Pauli disputationem attinet, quæ secundo capite continetur: non incommodum erit, eam quoque ad causæ constitutionem reuocare. Ergo qui filiā impuberē habebat, ita scripsit, FILIAE DO LEGO CENTVM, SI TITIO NUPTA ERIT. Deinde aliquanto post, cū illa & pubes, & Titio nupta esset, moritur. Eo mortuo filia centum ab herede postulat. Intentio, Debes mihi centum ex causā legati. D. non debeo, propter Catonis regulam. L. an propter Cato-

Catonis regulam nō debeat. R. quia inutile legatum dicitur, quod testamenti tempore capi non potuit. Istud autem à puella capi non potuit, quippe quæ nubilus non esset. Imò inutile dicitur, quod ipso iure fuit inutile: id est, quod ius non fuit legari. Ius autem & eam rem & ei personæ legari sinebat. Disceptatio ex eodē quo superior, fonte manauit. Nūc cetera uideamus. Cū enim ita se hæc habeant, facile est intelligi, Catonianam regulam ad ea legata nō pertinere, quorum dies non mortis tempore cedit: id est, quorum debitus non ex testatoris morte, sed aliunde pendet. quorum duo sunt genera. nam alia cōditionalia sunt: alia uerò diem suum in hereditatis additione positum habent. Quæ conditionalia sunt, eorum dies ex conditionis euentu pendet. l. cedere diem, D. de uerb. signific. & alijs locis peruulgatis. qua de causa mirum non est, si Regulam Catonianam ad illa pertinere negemus. quia scilicet in hoc legatorum genere testator non præsentis, sed posterius temporis statum & conditionem spectasse intel-

ligitur, quasi sic dixerit, Si quo tempore
 cōditio existet, ea sit & personę & rei cō
 ditio, ut & illa capere, & hæc capi pos
 sit. Itaque Vlpianus in D. l. cetera, D. de
 legat. priua. Si res mea, inquit, mihi sub
 conditione legatur, poterit legatum ua
 lere: si existentis conditionis tempore
 mea non sit. & paulo pōst: Purum igitur
 legatum Catoniana regula impedi
 et. conditionale, non. quia ad conditio
 nalia, Catoniana non pertinet. Et Iusti
 nianus, D. §. an seruo, Sub cōditione,
 inquit, recte legatur heredis seruo, ut re
 quiramus, an quo tempore dies legati
 cedit, in potestate heredis nō sit. Iam ue
 rò cur legata quorum dies ab adita ce
 dit hereditate, cuiusmodi sunt legata u
 sus, ususfructus, habitationis: l. 2. D. quā
 do dies leg. item optionis: l. optione, 16.
 D. de opt. legat. cur, inquam, hæc legata
 ad Catonianam regulam non pertine
 ant: ratio eadem est prorsus quæ fuit su
 periorum. quia scilicet eorū debitio nō
 pendet ex morte testatoris. qua de caus
 sa dici illo tempore uel utilia uel inuti
 lia non possunt. At regula de ijs nomi
 natim

natim loquitur, quę mortis tempore inutilia sunt: hoc est, de ijs de quibus mortis tempore iudicari & affirmari potest, utrũ utilia an inutilia sint. quod in longinquioris & remotioris temporis conditione positum est. Quę cũ ita sint, & lex Papia Poppæa iubeat legatorũ diē ex apertis tabulis cedere: quemadmodum Vlpianus Institut. capite xxiiij. testatur: itēq; Iustinianus in l. un. C. de caduc. toll. præclara quæstio exoritur: An hæc regula ad legem illam non pertineat. Nonnulli enim eruditi viri in ea sententia sunt, ut existiment non pertinere: propter l. ult. ubi Vlpianus ait, regulam Catonianam ad novas leges non pertinere. quasi nouarũ legum nomine Vlpianus legem Papiam Poppæam intellexerit. Sed uideamus, ne non satis tutum sit hoc affirmare. primũ, quia si hoc uerum esset, sequi illud uideretur, ut Regula Catoniana ea lege abrogata, atq; ex uniuerso iure nostro sublata explosaq; esset. quod tamen falsum esse, patet ex omnium Iurisconsultorum scriptis: quæ regulæ illius explicatione atq; commemora-

moratione referta sunt. Deinde lex Papia Poppæa una lex est: ut meo iudicio non satis commodè Nouarum legū appellatione intelligi possit. Exoritur etiam non minus implicata quæstio: An Catonis regula quæ de legatis nominatim scripta est, etiã ad institutiones pertineat, quod nemini nostrorū interpretū dubiū uidetur: partim propter l. penult. D. de reg. iur. ubi Paulus ait, quæ ab initio inutilis fuit institutio, eam ex postfacto cōualescere non posse: partim propter l. 4. D. de regul. Caton. ubi Vlpianus dilucidè scribit, placere ut regula Catonis ad conditionales institutiones non pertineat. nam argumento à specie ad speciem, id est, à cōtrarijs sequitur, si conditionales excluduntur, puras retineri. conditionalium autem institutionum eandem esse cum legatis conditionalibus rationem: quia scilicet in illis solum existentis conditionis tempus spectatur. l. liber, §. si heres, D. de heredib. instit. Aduersatur ramen apertissime lex tertia, D. de regul. Caton. ubi Papinianus disertè ait, Catonianam regulam ad heredi-

hereditates non pertinere. qua de causa uideo esse non neminē, qui pro HEREDITATES reponendum putet LIBERTATES. quippe cū libertates ab adita hereditate cedant. l. un. §. libertatibus, c. de caduc. toll. Sed uideamus, ne si hoc admittēdum sit, Catonem imprudentiæ accusemus, qui cū una eadēq; opera coniunctim & de hereditatib. & de legatis concipere hanc regulam potuisset: eam tamen de legatis tantū cōcepit. Ac mihi quidem nonnulla subesse causa uideri possit, cur de legatis tantū hanc regulam composuerit. sed ad obiecta respondendum est. Ergo quod ad legem quartam attinet, ubi Ulpianus ait, hanc regulam ad conditionales institutiones non pertinere: non absurdē, meo iudicio, sic respondebimus: eam legem intelligendā esse de ijs legatis, quæ in conditionalib. institutionib. relicta essent: id est, ab ijs heredibus relicta, qui sub cōditione instituti fuissent. Cū em̄ legata ex institutionibus pendeant, conditionales autem institutiones ex euentu conditionis pendeant, sequitur ut legata in

ta in conditionalibus institutionibus relicta etiam conditionalia sint. Iam uerò quod attinet ad legem penult. D. de regul. iur. ubi scribitur uitiosam institutionem non conualescere: respondemus, quæ ratio & æquitas in legatis ualuit, eandem quoque in hereditatibus ualere. sed non si ratio & æquitas Catonianæ regulæ in hereditatibus ualet, continuo etiã mens aut uerba Catonis ad easdem pertinent. Itaq; eadem ipsa æquitas in contractibus quoq; dominatur: ut ne contractus qui ab initio fuit inutilis, ex postfacto conualescat. nam rei meæ stipulatio pura, non ualet: cōditionalis ualet. l. 31. & l. 98. D. de uerb. oblig. quia de his demum rebus negotium rectè gerimus, quæ subijci uisibus dominioq; nostro statim possunt. l. inter stipulantem, 83. D. de uerb. oblig. neque tamen iecirco rectè aliquis dixerit, Regulam Catonianam ad contractus pertinere. quid ergo est? Aequitas scilicet & ratio regulæ Catonianæ & ad hereditates & ad contractus pertinet: uerba uerò, quia de legatis nominatim concepta sunt, ne
que

que ad contractus, neque ad hereditates pertinent. Ac de regulæ quidem Cætonianæ sententiâ satis uidetur dictum. nunc quia de hoc tradendi iuris genere per regulas & generalia quædam axiomata, mētio facta est, operæpretium esse arbitror quæ hac de re olim obseruauimus, paucis exponere.

QVID SIT RE=

GULA IURIS: VBI EX

*plicatur l. I. D. de re-
gul. iur.*

Caput IIII.



PAULVS Regulam iuris ita obscure ac perplexè definit, ut qui sententiâ illius commodè intellexerit, neminem adhuc, meo quidem iudicio, repererim. Regula est, inquit, quæ rem quæ est, breuiter enarrat. quod
si sic

si sic accipiendū est, quasi dixerit, Quæ
 qua de re agitur, breuiter exponit, &
 Rem pro Litem antiqua Iurisconsul-
 torum consuetudine accipi dicamus: ri-
 dicula definitio uidebitur. nam facti
 narratio uel Consultorum est, uel Ora-
 torum: Regulæ uerò sunt Iurisconsul-
 torum pronuntiata: &, ut Græci di-
 cunt, *κρίαι δόξαι*, id est (ut Cicero con-
 uertit) ratæ ac firmæ sententiæ: qua-
 les apud medicos sunt qui *ἁφορισμοί*, di-
 cuntur: quod (ut Galenus scribit, *διὰ
 τὴν χρῆσιν ἅπαντα τὰ τῷ πράγματι ἰδία
 περιγίγναι*). Obscurè igitur Paulus Re-
 gulam dixit esse orationem, quæ rē quæ
 est, breuiter enarrat: cū Regula sit sentē-
 tia quædam generalis, quæ ex pluriū le-
 gum mente à Iurisconsultis notata atq;
 animaduersa, paucis uerbis summā quā-
 dam earum consensionem & tanquam
 harmoniam complectitur. nam eius qui-
 dem materia est, mens & consensio legū
 longa & diuturna Iurisconsultorum ob-
 seruatione notata. caussa efficiens est,
 Acumen Iurisconsultorum plurium le-
 gum consensionem in summam quan-
 dam

dam contrahentium. Forma autem, est
sententia ipsa paucis ijsq; necessarijs uer-
bis summam illam expediens: finis ue-
rò facilior æquitatis ac Iuris ciuilis co-
gnitio. Quæ omnia planius intelligen-
tur, si modò quæ sit inter Legem & Re-
gulam differentia, diligenter obserue-
mus: quod an ab ullo nostrorū Interpre-
tū usque adhuc factū sit, equidē affirma-
re nō ausim. præsertim cū ne ipsi quidē
Triboniano uideatur quicquam huius-
modi unquam in mentem uenisse. itaq;
quæ perspicuè & confessione omnium
Leges sunt, aut scriptæ, aut non scriptæ:
eas pro Regulis nobis obtrudit. qualis
est, ne lōgè abeamus, quæ capite secun-
do refertur: Fœminas ab omnibus offi-
cijs ciuilib. remoras esse. quasi uerò quis
quam ignoret, hoc semper, etiam antè
Iurisconsultorum genus natum, populi
Ro. Ius fuisse: aut cuiquam obscurū sit,
quin quod ibidem traditur, Fœminas fi-
dei iubere pro alijs nō posse: Senatuscō-
sulti Velleiani Ius sit: aut illud, Fœminis
non licere pro alijs postulare, ex edicto
prætoris natum sit: aut illud, Fœminas
C iudi-

iudices esse non posse, moribus populi
R.tribuatur. aperte in l. cū prætor, D.
de iudic. Lex igitur est, quam populus
certo & cognito omnib. iure cōstituit:
Regula uerò quam Iurisconsulti ex plu-
ribus Legum capitibus notatis inter
seq̃ comparatis elicuerunt: ut non om-
nino incommodè dicere possimus, Le-
ges esse tanquam uoces & sonos singu-
los: Regulam uerò esse tanquam harmo-
niam & cōcentum. cuiusmodi illæ sunt
quæ Veterum definitiones appellantur:
ueluti: Duas causas lucratiuas in eandē
rem ac personam nō concurrere: Ex qui-
bus causis inficiando lis crescit, ex ijs
causis non debitū solutum condici nō
posse. Noxa caput sequitur: Tot sunt sti-
pulatiōes, quot res: Agnatione sui post-
humi testamentum rumpitur. Indistin-
ctè datus tutor, in totam litē datus uide-
tur. Quanquam hoc quoq̃ loco consi-
derandum est, nulla'ne inter Iurisconsul-
torum responsa & istas Regulas, differē-
tia sit: & an omnia eorum responsa pro
Regulis habenda sint. quòd si ulla diffe-
rentia est, quænam responsa pro Regu-
lis

lis numeranda sint, & quæ item nō sint. quod, meo quidem iudicio, non incommode sic cōstitui poterit, si dicamus hoc inter Iurisconsultorum responsa & Regulas discrimen esse: quòd illa plerunq; certis personis ac rebus finita circūscripta sunt: &, ut Græci dicunt, ὑποθετικά: hæ uerò semper ad genus uniuersum pertinent, infinitæq; sunt: & (ut Græci dicunt) θετικά. Quid si quando Iurisconsulti consultationem ad genus uniuersum respondendo reuocent: & si quòd illorum respōsum θετικόν atque infinitū est, non tamen continuò pro Regula habendum est: sed tum demum cū diuturna multorum Iurisconsultorum approbatione, eā auctoritatē adeptū erit. Nūc reliqua uideamus. Cū enim Paulus dicat, non ex regula ius sumi, sed ex iure quod est Regulam fieri; absurdum hoc uideri alicui possit: quippe cum & Iurisconsultorum responsa iuris ciuilis partem constituent: & passim Regulæ ueteres ad controuersias quæ ad genus illud pertinet disceptandas, à nobis proferantur. Intelligendum est igitur, cū

Regulæ ex uario & multiplici iure, id est ex pluribus legum capitibus concipiantur: ac propterea ius sit Regula ipsa antiquius: quippe ex quo Regula nascatur: si quando Regula pro lege ac iure citetur, hoc non propterea fieri, quòd ab ea ius tanquam ex ipso fonte & capite sumatur: sed tãquã ex lacu qui ex uarijs fontibus lōgè deductus & ad usum quotidianum paratus ac deriuatus est. Deniq; (ut uulgus loquitur) non principaliter, sed secundariò: propterea quòd Regulæ sunt tanquam communes loci, qui ad usum quotidianum, & ad uitandum altè repetendí iuris laborem parati atq; instituti sunt. Iam uerò quod Paulus ait Sabinum dixisse Regulam esse tãquam CAUSAE CONIECTIONEM: (sic enim rectè in Florentinis libris legitur: cùm in alijs CONIUNCTIO nullo sensu legeretur) uidendum est diligenter, ne similitudinem longius quàm ratio ipsa ferat, producamus. Cùm enim causæ coniectio sit, uti scribit Asconius cū litigatores qui comperēdinati ad cōstitutum uenerunt, summam & quasi per

per indicem causæ suæ argumentum, & tanquam statum exponunt. Deniq; cum qua de re agitur, breuiter enuntiāt: certum est multis in rebus dissimilem esse Regulam à causæ coniectione: primū quòd hæc hypothetica est, & certæ personæ ac rei finibus continetur: illa uerò ad genus uniuersum pertinet: deinde hæc ferè interrogandi modo, utpote quæstio, proponitur: illa uerò definitè ait quid, aut negat. Ecquanam igitur in re inter se similes sunt: nimirum ut causæ coniectio iura omnia litigatoris in summam aliquam contrahit, & (ut ait Asconius) in breue cogit: sic Regula cō plurium legum capita strictim breuiterq; complectitur, & eorum (ut sic loquar) succum elicit: atq; ut nostri Alchymistæ loquūtur, quintam essentiam exprimit. Quod autē postremò loco Paulus addit, Regulam simul cum aliquo uitiata est, suum officium perdere: & si per quam dilucidè ac perspicuè dictum est, nostrorum tamen hominum ineptijs atque argutijs inobscuratum fuit. Sensus est enim: Cū officiū Regulæ sit rege-

re cōtrouersias, si ea praua & uitiosa sit:
nūquam officium suū faciet. nam (ut ait
Lucretius) deniq; ut in fabrica, si praua
est regula prima, Omnia mendose fieri
atq; obstipa necesse est. At nostri ad Ex-
ceptiones hoc referunt: quasi uerò Ex-
ceptiones aliquid in regula uitij demon-
strent: ac non potius, illud à regula secre-
tum ac remotum esse ostendant: ac pro-
pterea moneant, ne cum illa confundā-
tur. Quod ab exemplo facillimè intelli-
getur. Paulus ait regulam uulgarem es-
se, Patrē filio utiliter stipulari: l. quod di-
citur, 130. D. de uerb. oblig. Idem postea
excipit, stipulationes quibus factum in
personam confertur. Vtrum ne igitur
hec exceptio regulam uitiat, ut amplius
officium suum non faciat: an potius ip-
sam declarat, & ne quod ab ea alienum
est, cum ea confundatur, monet? Quod
idem de illa altera iudicandū est: l. quod
dicitur, 86. eo de tit. ubi Vlpianus ait, à
regula tot esse stipulationes, quot res:
excipiendas esse res quæ expressæ non
sunt.

QVID SIT POPV- LVM FIERI FVNDVM, IN

*oratione M. Tullij pro L. Cor-
nelio Balbo.*

Caput V.



ETVS est loquutio, Popu-
lum fieri fundum, quæ à Ci-
cerone crebrò usurpatur in
ea quā habuit pro L. Corne-
lio Balbo, non tam antiquitate & inso-
lentia uerbi, quàm Ciceronis ipsius ope-
ra, qui aliquid præsidij ex illius obscuri-
tate, tanquam in latebra, quærebat, ob-
scura. nam Sex. Pompeius ita locutio-
nem interpretatur, ut ad eam intelligen-
dam non multū præterea desideremus.
Fundus, inquit, dicitur populus esse rei,
quam alienat: hoc est, auctor. Quibus
ex uerbis facile intellectu est, dici tum
populum aliquem fieri fundum, cum in
re quapiam sua ab alienanda auctor est: id
est, approbator. quod non tantum de Po-
pulo,

pulo, sed etiam de quouis auctore ab antiquis usurpari solitum: argumento est illud Lysitelis adolescentis apud Plautū: qui cum Charmidis absentis filiā à Lesbónico uirginis fratre in uxorem sibi dari pactus esset: ubi reuersum patrem audiuit, ita loquitur: Nunc mihi is prope-
rè conueniendus est, ut quæ cū eius filio egi, ei rei fundus pater sit, potior eo: hoc est, Vt filio qui mihi suam sororem absente patre despōderat, auctor sit. Qd ab exemplo superiore non alienum est: quippe cū puellæ quæ nuptum elocarentur atq; in manum darentur, quodā modo abalienari uiderentur. Simillima illius Cornelianæ causæ ratio est. Cū enim Balbus Gaditanus ciuis natus esset, sese tamen pro ciue R. gereret, negabat Accusator eum potuisse sese in alienam ciuitatem dicare, nisi populi sui cōsensu: præsertim fœderati: hoc est, eius qui suum ius integrum in suos ciues ex fœderis pactione ac legibus retineret. nam cū is qui se in alienam ciuitatem dicat, ab ea in qua prius fuit, abalienatur, consentaneum est, populum cuius ille

ille est ciuis, & præsertim fœderatum, auctorem atq; approbatorem illius abalienationis fieri. Atq; hoc nimirum illud est, quod Cicero significat ab Accusatore dictitatum in illo iudicio fuisse: cum ita scribit: Negat ex fœderato populo quenquam potuisse, nisi is populus fundus factus esset, in hanc ciuitatem uenire. At Cicero qui causæ ac tempori seruire, non uerbi uim uerè explicare instituerat, Legem de auctoritate populi exquirenda oratoriè sic eludit, ut disputet fundos eos dici populos, qui ius aliquod populi R. asciuerunt: quasi in quibus ius illud, tanquam in fundo, residerat. Totum, inquit, hoc iudices in ea fuit positum semper ratione atq; sententia, ut cum iussisset populus R. aliquid, si id asciuissent populi ac Latini, & si ea lex, quam nos haberemus, eadem in populo aliquo, tam in fundo resedisset, ut tum lege eadem is populus teneretur. Quod sine dubio magis oratoriè, quàm uerè dictum est. Neq; enim præcisè atq; absolute dicitur, Populus fundus: sed coniunctè populus fieri, uel esse alicui fundus:

neque rursus ob eam causam fieri fundus dicitur, quòd in eo lex aliqua tanquam ædificium in fundo ponatur: sed quòd ciuibus suis nouo & ascito iure utentibus fundamento, id est firmamento sit, item ut auctores siue patres, siue tutores, siue uenditores firmamēto esse solent alijs, qui eorum auctoritatem ita sequuntur, ut ea perinde nitātur quasi ædificia fundo. Deniq; ut rem uerbo absoluiam, hæc locutio non ad substantiæ aut qualitatis, sed ad relationis categoriam pertinet: quoniā cū dicimus populum esse fundū, hoc significamus suis ciuibus esse fundum, ut hoc illud ue faciant: ueluti ut se pro ciuibus R. gerant: ut illa populi R. lege ac iure utantur. Tū enim populus illis firmamenti loco est: quo tanquam fundamento nitantur. Estq; hoc cū ijs quæ superius dicta sunt, sanè consentaneum: ut nulla res alicuius populi sine ipsius iussu atq; auctoritate alienetur. Cū enim nouum populi R. ius asciscitur, antiqua ciuitatis iura, instituta, & leges amittuntur. Eoq; illud pertinet quod Cicero adscribit, cū lex Iulia

Iulia lata esset, qua lege ciuitas est socijs ac Latinis data, magnā contentionem Heracliensium & Neapolitanorū fuisse, cū magna pars in ijs ciuitatibus iuris sui libertatem ciuitati anteferebat; id est, cū fundus atq; auctor suis ciuibus esse nollet, ut ciuitatis suæ leges ac iura dimitteret. Eodem etiam pertinet, quod apud Gelliū scriptum est: lib. .xvj. cap. xij. Municipis suo iure usos, neque ulla populi R. lege astrictos esse: cū nunquam populus eorū fundus factus esset. sic em̄ is locus legendus est: non ut uulgo Po. Ro. eorū fundus, &c. Itaq; quod Cicero ait, se si Gaditani Cornelium ciuem suum repeterent, illis respōsurum: Legem Populum R. iussisse de ciuitate tribuenda: hoc genere legū fundos populos fieri non solere: refutari facile ab aduersario poterat: cū diceret, hoc quidem legum genere fundos populos fieri non solere: quippe quas ad suum ius ciuile non ascisserent: sed si quis ex suis ciuib. eo beneficio uti uellet, id ei ius nō fore prius q̄ uniuersus populus fundus atq; auctor ei in eam rem factus esset.

LACUNAE ALI=

QVOT IN EADEM ORAT. PRO

Balbo indicatæ: & simul menda quædam typographorum sublata.

Caput VI.



ACIT superior disputatio, ut quoniam librum hūc optimum Ciceronis in manib. iam habeo, menda quædam typographorum quæ nō paucos ipsius locos fœdè contaminant, indicanda existimem: & huius præstantissimi scriptoris studiosos nostris hisce obseruationculis adiuuandos putem. Ergo iam inde ab ipso orationis exorsu atque initio, lacunam illam indicabimus, de qua ante uerba hæc, NAM CETERIS A QVIBVS EST DEFENSVS, ex eo licet cōiecturam facere, quia cū Orator cœpisset ea quæ in superiorib. Cornelij defensoribus erant, cum ijs quæ in seipso ad eandem defensionem suscipendam ualebant, comparare: postrema tamen
 pars

pars quæ fuit potissima, & qua Cicero
superiorem se alijs fuisse dicit, non repe-
ritur. Cū enim ita se intulisset, quæ sunt
igitur meæ partes? auctoritatis tantæ,
quantam uos in me esse uoluistis, usus
mediocris, ingenij minimè uolūtate pa-
ris: cū, inquam, hæc Cicero dixisset: re-
quiri nescio quid in hanc ferè sententiā
uidebatur: studiorum uerò, & amicitiae
longè superior mea, quàm aliorum, qui
ante me dixerunt, ratio est. Quæ senten-
tia cū illi superiori loco respondet, SI
STVDIA, AB AMICISSIMIS, &c.
tum aditum ad proximum insequētem
patefacit. Nā ceteris à quibus est defen-
sus, eum debere plurimū uideo: ego quā-
tum ei debeam, alio loco ostendam. Et
profecto ita est, ut etiam alter locus, qui
non longè à conclusione abest, perspi-
cuè ostendat, nōnulla de Cornelij in Ci-
ceronē meritis in exordio dicta esse. sic
enim Cicero loquitur: Quorum ego te-
stimonio ac precibus munus hoc meri-
tum huic, & ut à principio dixi, iustā &
debitam gratiam refero. Videndum e-
tiam an locus ille qui paginis aliquot in
serie-

teriectis ita legitur: IPSA DENIQUE
IVLIA, qua lege ciuitas est socijs & La
tinis data, qui fundi populi facti non es
sent, ciuitatem nō haberent: uidendum,
inquam, an non multis uerbis deminu
tus sit: ut huiusmodi certè aliquid deside
retur, & locus in hanc sententiam lega
tur: Ipsa deniq; Iulia, qua lege ciuitas est
socijs & Latinis data, ita lata est, ut be
neficio ciuitatis omnes afficerentur: nō
ut qui fundi populi, &c. Propterea enim
superiores illas de iure ciuili Leges, Fu
riam scilicet, & Voconiā protulit, & po
stremò Iuliā: ut illud probaret, quod su
perius significarat, aliorum populorum
auctoritatem, non in populi R. iure, sed
in ipsorum rebus & commodis deside
rari. Itaq; ne uersus quidem insequens in
teger atq; incorruptus uidetur: nam ubi
sic legitur: Itaq; magna contentio Hera
clienliū ac Neapolitanorū fuit: Cū ma
gna pars in ijs ciuitatib. iuris sui liberta
tem ciuitati anteferret. Legendū em̄ ui
detur, CIVITATI NOSTRAE AN
TEFERRET. Neq; uerò locus ille alter
prætermittendus uidetur, quē nemo (ut
opinor)

opinor) nō duabus uocibus deminutū
esse iudicabit: qui modò sententiā pau-
lo attentius cōsiderabit. Simul illud ne-
sciebat, prædiorum nullam esse gentem:
emptionibus ea solere sæpe ad alienos
homines, sæpe ad infimos, nō legib. tan-
quā tuteles, puenire. Quis em̄ nō uidet,
deesse aliquid & locū ita restituendū es-
se: TANQVAM TVTELES AD A-
GNATOS, PERVENIRE. Atq; hæc
quidē ex ingenio & cōiectura eruditis
uiris cōsiderāda proposuimus. Illud aut̄
ex antiquo libro & meliore auctore pfe-
remus. nā qui locus in eadē oratione sic
legitur, A T Q V E, ut ego sentio, iudices,
causa dicta est tēporis magis, ego nō hu-
ius, inquā, genere iudicij plura dicā: &
ab omnib. typographis rectē tanquā ui-
tiosus asterisco notatus est: is locus in an-
tiquo codice ita pulcherrimē scriptus
est: Atq; ut ego sentio, iudices, caussa di-
cta est temporis magis huius uirio, q̄
hominis: neq; ego de tam iniquo iudi-
cij genere plura dicam. Sed de Lacu-
nis, hætenus: nam de typographo-
rum mendis addendum etiam aliquid
uiderur:

uidetur: ubi enim sic legitur: Cuius igitur reuera nullius: actione accusatoris, eius unius qui donauit. qui si adductus gratia minus idoneum hominem premio affecisset: &c. ego pro, QV I S I, per exigua mutatione adhibita, reponendum existimarem, QV A S I: cum alioqui nulla ei loco sententia subsit: ut neque in uersu insequenti, ubi uerbum FECISSET, sine dubio reponendum est: hoc modo: Si denique aliquid fecisset, quod non contra acliceret factum diceretur. Vt illud omittam, quod uox M A L I, quæ paulo post, illo in loco sequitur, Omnis eiusmodi mali reprehensio: neque in antiquis, neque in omnibus impressis adiecta est: & ei loco plus mali, quam boni affert. Illud etiam ad hunc eundem ordinem pertinet, quod in interiore oratione uulgo sic legitur: Ac sicubi esset, lex id Gellia & Cornelia, quæ definite potestatem Pompeio ciuitatem donandi dederat, sustulisset: Considerandum enim uidetur, ecquid potius, INDEFINITE, aut (ut semper ipse loquitur) INFINITE, legendum sit: hoc sensu: Etiam si foedere Gaditano
exce-

exceptum esset, ut neminem Gaditanum ciuem.

R. fieri liceret: tamen lex quæ generaliter & indefinitè ita scripta est, V T I ciues R. sint n̄, quos Cn. Pōpeius de cōsiliij sententia singillatim ciuitate donauerit: cūm (ut uulgo loquimur) indefinita idem quod uniuersalis ualeat: illam sustulisse exceptionē uideretur: ut quouis ex populo ius esset Cn. Pōpeio hāc alicui ciuitatem impertiri, siue Gaditanus is esset, siue alterius ciuitatis ciuis: definitè autem potestatem lex fecisset, si nominatim certam aliquam ciuitatem Pompeio præscripsisset, ex qua sola ei ciuem aliquem R. facere liceret: quod cūm à Ciceronis caussa, tum ab illius totius loci sententia alienissimum esset, facile, ut spero, quiuus uel mediocriter attemptus, iudicabit.

D

SVBLA-

SVBLATA QVAE

DAM MENDA EX L. I. D. DE SER-

*uit. rust. & simul itineris, actus, uiae
differentia tradita.*

Caput VII.



VARRO in libris de lingua Latina scribit, uiam à uehēdo dictam, quasi ueham: Actū uerò ab agendo. Itaq; actum pedes quatuor latum esse, uiam autem octo. quod etiā Caius de uia cōfirmat in l. 8. D. de seruit. rust. Quibus illud consentaneum est quod Vlpianus in l. j. D. eod. disertè affirmat, uiam in se & iter & actum continere. Itemq; illud quod Pōponius ait in l. si tam angusti, de seruitut. si iumentum per uiam constitutam duci possit, non etiā uehiculum, actum uideri acquisitum, nō uiam. At Seruius ex contrario scribit in librum Aeneid. iij. uiam esse actum dimidium, qua potest ire uehiculum. Nam actum duo carpenta capere, propter euntium & redeuntium

tium occursum. Quibus illud congruit,
quod eodem loco Vlpianus ait, actum
esse ius agendi uel iumentum, uel uehi-
culum. Itemq; Modestinus in l. inter, 12.
D. eod. Actum esse ubi & armenta trañ-
cere, & uehiculum ducere liceat. Sed et
Paulus in l. qui sella, 7. eod. Qui actum
habet, inquit, & plostrum ducere, & iu-
mēta agere potest. Videamus igitur ec-
quid hoc modo cōciliari hæc possint: si
dicamus, priora illa ex proprietate, no-
tatione & ueritate uocabulorum ducta
esse, posteriora uerò ad consuetudinem
sermonis quo in seruitutum stipulatio-
nibus utebantur, potius quàm ad ety-
mologiam uerborum esse accommoda-
ta. Nam stipulationū formula, VT IRE
AGERE LICEAT: & actum & uiam
ita complectitur, ut nihil necesse sit ad-
dere uerbum VEHERE. Cuius rei ratio
hæc est, quia qui uehiculum ducit, iumē-
tum, id est, uel bouē uel equum, qui ue-
hem trahit, agit. unde lex in xij. Si uia sit
immunita, qua uolet iumentum agito.
Quare cui agendi ius absolutè conces-
sum est, ei non modò armētum aut gre-
gem.

gem, uerū etiam uehiculū agendi facultas permissa intelligitur. Mirum est tamen, Vlpianum Actū in l. prima sic definire, ut sit ius agendi uel iumentum uel uehiculum. Nam cū uehiculum à iumentis ducatur, frustra illa disiunctione utitur: uideturq; pro **IUMENTVM** potius **Armentū** reponēdum esse: & item paulò pōst: Qui actum habet, & iter habet, etiam sine iumento: ubi **ARMENTO** potius legendum uidetur. Quin & paulo antè, ubi sic scriptum est, Iter est ius eundi, ambulandi hominis, non etiā iumentum agendi: sententia tenebrosa est. Modestinus enim in l. inter, 12. D. eod. scribit eum qui iter habet, posse & peditem & equitem illac commeare. Ridiculum autem esset, cui equo uehi per aliquem locum ius est, ei negare ius esse suum equum manu per eundem locum ducere. quod tamen nonnullis placere uideo, propter l. qui sella, 7. eod. ubi Paulus sic scribit: Qui sella aut lectica uehitur, ire non agere dicitur: iumentum uerò ducere non potest, qui iter tantum habet. Quare utroque loco pro **Iumentum,**

tum, uocem ARMENTVM reponendā
arbitror, meāq; sententiam nonnullis e-
ruditis uiris probari.

ALIQVOT MEN-
DAE LIBRO CICERONIS DE OF-
ficijs primū sublatā.

Caput VIII.



CICERO libro de Officijs pri-
mo, duo Iustitię genera fecit:
prius ut ne cui noceatur, alte-
rum ut communi utilitati ser-
uiatur. contrā quoq; duo Iniustitię gene-
ra constituit. alterum eorum qui inferūt,
alterum eorū qui ab ijs quibus infertur,
si possint non propulsant iniuriā. Hoc
autem posterius persequens pag. 8. sic
scribit: Itaq; uidendum est, ne non satis
sit id, quod apud Platonem est in philo-
sophos dictum, quod in ueri inuestiga-
tione uersentur, quodq; ea quę pleriq;
uehementer expetunt, de quibus inter
se digladiari solent, contemnant, & pro

nihilò ducant, propterea iustos esse. Nā dum alterum iustitiæ genus assequuntur, inferenda ne cui noceant iniuria, in alterum incidunt. Discendi enim studio impediti, quos tueri debent, deserunt. Verū hoc in loco mirum est animaduersum adhuc à nemine fuisse duo hæc uerba deesse: **I N I V S T I T I A E G E N V S** : ut sic legatur: Nam dum alterum iustitiæ genus assequuntur, in alterū iniustitiæ genus incidunt. Primū, quia uox **A L T E R V M** ad secundum iniustitiæ genus respicit, ut ex insequentibus uerbis apparet: quibus illud exponēs, ait, quos enim tueri debent, deserūt. Deinde quia incidere in genus iustitiæ, pro committere, peccare, delinquere, Latine, ut opinor, non dicitur. Sed paucis uersibus interiectis locus est, qui faciliè omnem dubitationem tollit: ubi sic scribitur: Qui dum altero iniustitiæ genere uacant, in alterū incidūt, deserunt enim uitæ societatem, &c. Quinetiam paulo pōst aliud mendū uideo, ubi sic legitur: Sed incidunt sæpe tempora, cū ea quæ maximè uidentur digna esse iusto homine, eoq̃ quem

quem uirum bonū dicimus, commutatur, fiuntq; cōtraria. ut nō reddere depositū, etiā ne furioso promissum facere. legendum enim ita esse, VT REDDERE DEPOSITVM, non etiā in furioso promissum facere: & loci sententia perspicuè declarat, & locus libri tertij simillimus, ubi sic loquitur: Ergo & promissa non facienda nonnunquam, neq; semper deposita reddenda sunt. si gladium quis apud te sanæ mentis deposuerit: repetat insaniens: reddere, peccatum sit, non reddere, officium. Verū hęc quidem ex ingenio. Illud ex antiqui Codicis auctoritate, quod subsequitur. Nam ubi uulgo legitur: QVAE QVE pertinent ad ueritatem, & ad fidem, ea negare interdum, & non seruare sit iustū. Manuscriptus liber MIGRAIE luculēter scriptum habuit: insigni & præclara sententia. siquidem Migrare legem pro transilire, trāsgredi, peccare, idem auctor alibi elegāter dixit. ut libro de Legibus tertio, quod quis earum rerum migrasset, noxiæ poena par esto.

DE VSVRIS RV-
STICANIS EX CONSTITVTIO-
ne Iustiniani Nouella xxxiiij.

Caput IX.



VSTINIANVS Nouel-
la xxxiiij. ubi modum usura-
rum definit, quas ab agrico-
lis stipulari liceat: summam
hoc cōstituit, ut pro anima minutarum
frugum usura, non amplius octaua mo-
dij parte, in singulos modios exigatur:
pro usura pecuniarū, siliqua in solidos
singulos. Minutas autem fruges cū Ci-
cerone appello, quas nostri species: ue-
luti triticum, hordeum, auenam, & quę
legumina uulgo nominantur. Huius au-
tem usurę rationem nuper accuratē per-
pendens, eamq; ad legitimarum usura-
rum proportionem reuocās, paruo cal-
culi labore adhibito animaduerti, Iusti-
nianum apud barbaras gentes, Scythiā
nimirum & Mœsiā, pro consuetudi-
ne sermonis popularis ita locutum esse
cū

cū Latino sermone utēs, dicturus fuisset: frugum quidem usuram esse deberi centesimam: pecuniā uerò numeratę, trientem. Quod hoc modo facile cuiuis perspicere licebit. Nā si in singulos modios octaua modij pars admetienda est: hoc est unus tertiarius: in modios centenos, duodeni medij annuatim præstandi erunt. Hęc autem centenarij numeri pars est propemodum octaua: quatuor enim ad numerum centenarium, tantūmodo desunt. Nam octies duodecim, efficiunt nonaginta sex. At usura centesima dicitur, cū in singulos centenos duodecim penduntur. hic enim est, quē assem usurarium facimus. Vt facile appareat, Iustinianum barbaris nationibus leges Romanas tradentem (quibus legibus usuram centesimam in mutuo frugum minutarum constitutam esse iam pridem in libello de usuris docuimus) nulla perexigui discriminis ratione habita satius duxisse, populari earum sermone utendo, intelligi, quā exactam rationem strictē & pressē obseruantem scrupulum imperitę & tardę multitudi

ni inſicere. Quod eodem modo, contra-
ria tamen ratione, facere in uſura pecu-
niaria uoluit. Nam in illa frumenta-
ria uſura, quatuor deſunt: hîc, quatuor
ſuperât. Cû em̃ ſi Latinis leges dediffet,
& Latinè locutus eſſet, dicturus fuerit,
non amplius triente ab agricolis exigē-
dum eſſe: Scythico ſermone cû Scy-
this loquens, nulla paruuli diſcriminis
ratione ducta, ſiliquas ſingulas dixit, in
ſingulos aureos. qua ratione quatuor tã-
tummodò ad exactam trientis propor-
tionem decurſo anno ſuperſunt. Nam
Aureus ſolidus per illa tempora pende-
bat quatuor ſcrupula, ſcrupulum autem
ſenas ſiliquas. Ita in aureo quatuor & ui-
ginti ſiliquæ reperiuntur: ut iam appa-
reat, cû ſi triens pēderetur, in ſingulos
cētenos quaterni anni, id eſt, ſiliquæ no-
naginta ſex præſtarentur: nunc cû ſili-
quæ ſingulæ in aureos ſingulos pendū-
tur: ſi centeni ſint aurei, quaternos au-
reos annuatim pendi, cum ſiliquis qua-
tuor: id eſt, centum ſiliquas. Ex quo in-
telligitur, quanta fuit in octaua frumen-
taria ad centeſimam defeſtio, tantam eſt
in ſe

se in filiqua pecuniaria ad trientem exuperantiam. quæ quia parua admodum est, nihil fuit incommodi, uti rotundo numero, populi Romani consuetudinem imitantes: à quo Centumuii perpetuò dicebantur, cū tamen centum & quinque essent. uerū hæc quidem ita se habent. Quod autem de Asse usurario diximus, sic accipiendum est, ut in libello de Usuris docuimus: Iurisconsultos à Græcis hoc sumpsisse: ut sortem quantacunque illa esset, semper ad numerum centenarium redigerent. Ipsos autem hoc excogitasse, ut quia summa usura est, cū cētesima sortis parte per singulos menses soluenda duodenos quotannis numos in singulos centenos pendimus: propterea summum hunc usurarum gradum, in quo duodecim numi annui sunt, Assē usurarium nominarent: & ex eo, nō mēstruo, sed annuo singulas assis partes suis nominibus appellarent. Si quidem & Bes, & Semis, & Triens usurarius nō ex mēstrua, sed annua pēfione appellat: cū scilicet ānis singulis octoni, aut seni, aut quaterni in singulos cētenos pendūtur.

DE EO QVOD INTEREST.

Caput X.



INTERESSE Latine dicimus, cum aliquod interuallū interpositū esse significamus. Veluti cum inter æs & aurū plurimū interesse dicimus. Multum em̄ inter utriusq; pretium interpositum esse significamus. Itaq; cum quid factum est quod conditionem rei familiaris alicuius patrisfam. deterioreffecit, ueluti cum seruus eius heres ab aliquo institutus, interfectus est: preciosè dicere solemus, per magni illius interesse: cum plena locutione sic explicetur, multum inter hanc illius & superiorem rei familiaris conditionem interesse: ut fortasse nō omnino incommodè id quod interest, definiri hoc modo possit: Discrimen qđ inter eam conditionem quæ in re familiari alicuius uel antea fuit, uel omnino futura erat, & eam quæ nunc est, per alterius culpam cōtigit. Propterea autem
addi-

addidimus VEL OMNINO FUTURA
ERAT, ut intelligatur interesse dici, nō
tantum ubi damnum acceptum est, sed
etiam ubi lucrum auersum impeditūq;
est. quippe cum Paulus in l. si commis-
sa, 13. D. rem rat. hab. ita scribat, si cōmis-
sa stipulatio est, in tantum competit a-
ctio, in quantum interfuit: id est, quantū
mihi abest, quātumq; lucrari potui. Cui
loco sententiæ sunt in iure civili consen-
taneæ innumerabiles. intelligendum est
autem id quod interest dici communi-
ter omnibus in rebus, siue corporalib.
siue incorporalibus, præter pecuniam
numeratam, & species quæ pondere, nu-
mero, mensura constāt. Quoniam in pe-
cunia quidem numerata propriè usura
dicitur, quæ quamuis nihil aliud sit, q̃
id quod interest lege definitum ac cir-
cumscriptum, tamen siue quia suum &
proprium nomen habet, iccirco docen-
di causa ad solam pecuniam numeratā
accommodatur: siue quia facilis est ubi-
que terrarū paratio numorum saltē sub
usuris legitimis & apud argentarios, l.
non existimo, D. de ad min. tut. in specie
bus

bus autem non eius quod interest, sed quanti plurimi æstimatio dici solet: propterea quòd nihil potest in ijs singulariter interesse, quæ non ex specie & corpore suo æstimantur, sed ex genere, quod uulgare est, & passim faciliè atque undecunque parari potest. Atque hæc quidem ita se habent. Nunc illud scire oportet, eius quod interest duas esse partes. Nam interdum in sola re principali consistit, interdum & multò frequentius in eius accessione. quod Vlpianus his demonstrat uerbis: Si res uendita non tradatur, in id quod interest agitur, hoc est, quòd rem habere interest emptoris. Hoc autem interdum pretium egreditur, si pluris interest quàm res ualet, uel emptæ est, l. j. D. de act. empt. Nam cùm ascribat INTERDVM PRETIVM EGREDITVR, perspicuè demonstrat, interdum etiam non egredi. Quod ab exemplo facilius erit intelligi. Nam finge mihi seruulum à Titio uiginti aureis uenditum, quem Aurelio sub pœna decem aureorum dare promisi. Si Titius
seruum

seruum non tradiderit: & propterea pœnam commiserim: interest inter meam conditionem quæ nunc est, & quæ olim fuit: primum quantitate uiginti aureorum, quanti res principalis fuit: deinde quâtitate aureorum decem: quanta fuit pœna commissâ: ut discrimen inter superiorem & præsentem conditionem inita ratione, ad summam, aureorum sit triginta. Rursus finge non plaris interfuisse, quàm quanti res principalis fuit: id est xx. aureis. tamen actionis ex Empto formula non sic præcisè concipietur, ut rem, aut rei quantitatem, id est, æstimationem petat, sed absolute & simpliciter, quanti quanti emptoris interfuit. quod Impp. in l. sicuti duodecima, C. de act. empti, perspicuè demonstrant, ubi aiunt, actionem competere, non pretij quantitatis, sed quanti interest emptoris. Itaque eius actionis formulam hanc Cicero in libro de Officijs iij. prodit. Quicquid te mihi eo nomine dare facere oportet. Id est, solam æstimationem rei, si quidem mea nihil intersit: si uerò intersit, quantum mihi

mihi eo nomine abest. Quinetiam uideo Vlpianum in l. ult. D. si quis in ius uoc. perspicue id quod interest dixisse, pro Quanti ea res est, ut patet ex l. 2. in fin. D. qui satisd. cog. Et omnino sic usurpatur pro rei principalis æstimatione, in l. eum qui, 14. §. ult. l. si uendidero, 80. §. j. D. de furt. Quapropter empti actio etiã si nihil intersit, ueluti si mihi seruitutem per tuum fundum eundi agendi ad eum quem meum falso existimabam, uendidisses, & postea constiterit, meum illum fundum non esse, tamen suam illam formulam, ut quanti interest præstetur, retinebit. Hæc cum ita sint, tamen illud intelligendum est, Iuris consultos hoc loco ut sepe aliàs, disciplinæ & perspicuitatis causâ, differentia uocabulorum uti, & ueram rei principalis æstimationem ab eo damno quod extrinsecus accessit, plerumq; distinguere. Veluti cum Paulus in l. euicta, 70. D. de euict. sic scribit: Euicta re, ex empto actio non ad pretium duntaxat recipiendum, sed ad id quod interest competit. Item Vlpianus in l. j. §. considerandum, D. de

D. de tut. & rat. distr. Et magis, inquit, esse arbitror, in hac actione quod interest non uenire, sed rei tantum æstimationem. Item in l. hæc uerba 193. D. de uerb. sig. Hæc uerba, Quanti eam rem paret esse, non ad id quod interest, sed ad rei æstimationem referuntur. Quod etiam licet animaduvertere in l. si fundus, 33. D. loc. l. un. in fine, D. si quis ius dic. l. Stichum, 55. D. ad legem Aquil. l. 4. §. in eum, D. de damn. infer. l. Titius, 43. D. de act. empt. l. 2. §. in hac act. D. de ui bonor. rapt. Quanquam illud etiam obseruandum est, hæc uerba, quanti ea res est, nonnunquam etiam id quod extrinsecus interest continere. Itaque cum lex Aquilia scripta sic esset, QVANTI EA RES PLVRIMI FVERIT: Iurisconsulti in l. ait lex, 21. & l. seq. scribunt, non solum corpus æstimandum esse, quanti fuerit, sed etiam quanti nostra interfuit, ac proinde si seruū occidisti, quem sub pœna tradendū promiseram, utilitatem in hoc iudicium uenire. Similiter Vlpianus in l. 4. §. in eum, D. de damn. inf. In eum, inquit, quanti ea res est iudicium datur: qd

E

non

non ad quantitatem refertur, sed ad id quod interest. Quod eodem modo licet perspicere in l. 9. 10. & 11. D. de seru. corrupt. & l. 3. in fi. D. uti possid. l. in bonæ fidei, 36. D. de pecul. l. quoties quis, 81. D. de uerb. oblig. l. pen. D. ne quis eū qui in ius. l. pen. D. si quis caut. l. arbitror, 18. D. de dolo malo. l. ult. de præst. stipul. Verū hæc quidem hætenus. Deinceps illud planius considerandum est, quod strictim superius attigimus: Huius interesse (hoc enim uti uerbo nihil est incommodi, quod & in scholis nostris tritum est, & exempla apud ueteres habet non aspernanda.) Huius igitur interesse duo sunt genera. Aliud enim ex damno accepto, aliud ex utilitate interuersa & impedita æstimatur: quod superius probauimus ex l. si commissæ, 13. D. rem rat. hab. Et auctoritatem habet perspicuā, in l. un. C. de sent. quæ pro eo quod interest propter l. pen. D. si quis caut. l. 4. §. i. D. fin. regund. l. eum qui, 14. §. ult. l. si uendidero, 80. D. de furt. l. 2. & 3. D. de eo quod cert. loc. Itaque Iurisconsulti passim utilitatis uerbo, & eo quod interest pro-

promiscuè & communiter utuntur ueluti in l. proinde, 22. ad leg. Aquil. ubi cū Vlpianus dixisset, æstimationē eius qđ interest deberi, Paulus sic intulit: Proinde si seruū occidisti quem sub pœna tradendum promiseram, utilitas uenit in hoc iudiciū. Hinc Vlpianus in l. seq. scribit, Si seruus heres institutus occisus sit, etiam hæreditatis æstimationem præstādam esse. Quod autem de utilitate dicimus, id de ea demū utilitate quę uera, & certa, & explorata est, intelligi oportet: non autem de incerta utilitatis opinione, qualis est ea quę in fortuna, & incerto rerum futurarum euentu posita est. ueluti si uenditor uinum aut triticum nō tradiderit de quo negotiari emptor potuit, & magnum mercator quæstum ex ea negotiatione facere: l. si sterilis, 13. §. 3. D. de act. empti. Aut ea quę ex cuiusq; hominis studio atq; affectione nasci uidetur: ueluti si seruus qui filius meus naturalis erat, occisus sit. l. pretia rerum, D. ad leg. Falcid. l. si seruū. D. ad leg. Aquil. aut si fundum amisi qui maiorum meorum fuerat, uicinum uel amicum quen-

dam meus habebat. l. si cui in fi. D. de legat. secundo. l. si in emptione, 35. D. de minorib. l. libertus, 36. D. de bonis li. primū, quia interesse de quo disputamus, in re familiari consistit: quēadmodū in definitione significauimus. Deinde quia aestimari hominū studia & affectiones nō possunt. Nos autē eius quod interest estimādirationē inquirimus. Præterea quia per rara & minuta illa sūt quorū ratio à iuriscōsultis non magnopere habet. Postremò quia quemadmodum quisq; animo affectus sit, & quod quisq; sibi studium ac desiderium fingat, ad ius ciuile nō pertinet. Nunc proximum est, ut quot sint eius quod interest genera consideremus. Ego quidem duo summa reperiō. Vnū finitum, & circumscriptum. Alterum incertum atq; indefinitum. Finitum est cuius summa, conuentione certa definita & circumscripta est: quæ quia pœnæ uim obtinet, iccirco pœna uulgo nominatur in l. stipulatio ista, §. alteri. D. de uerb. oblig. Vbi Vlpianus, In pœna, inquit, nō amplius quid intersit quæritur, sed quantum conuentum sit. Id autem
pro-

propterea fieri consuevit, quia cum quā
ti cuiusq; intersit in facto, non in iure cō
sistat: l. quatenus, D. de regulis iuris: diffi
cillima autem eius probatio sit: l. ult. D.
de prātor. stipul. §. ult. de uerbor. oblig.
Satius & expeditius fuit, eius summam
certa aliqua & pacta conuentione ita
circumscribere, ut etiamsi nihil interes
set, ea tamen prāstaretur: nimirum quia
quod plerunq; , & ut nostri loquuntur,
ὥς ἐπὶ τὸ πλεῖστον accidit, spectamus: ple
runq; autem accidit, ut intersit. Deinde
quia quod futurum uidebatur, in stipu
lationem deductum est: ut ridiculè qui
dam arguti uideri uelint, qui ex eo loco
disputant, pœnam commētam, & Inter
esse iccirco diuersa esse: quia illa etiam
ubi nihil interest, petitur. Non enim Iu
risconsultus præcise hoc intelligi uoluit,
etiamsi nihil intersit: sed non uocari in
quæstionem utrum intersit, necne: uerū
id sumi, & præsupponi, quoniam nū
quam ferè accidit quin intersit. Cum igi
tur certa & definita sit huius interesse
quantitas, & quantum in stipulationem
deductum est, tantum omnino solui de

beat: nihil est quod de ea à Iurisconsultis disputari possit. Infinitum autem Interesse illud appellatur, cuius quantitas incerta & obscura est: quoniam (ut paulò antè posuimus) eius omnis quæstio in factò, hoc est, in coniecturis & fallacibus argumentis posita est. de quo nobis hoc libello scribere propositum est: nam eius quidem quantum existimare possumus, bipartita diuisio uidetur: ut aliud sit commune, ordinarium, usitatũ, frequens, quotidianum, uulgare: aliud uerò inusitatum, insolens, inopinatum, improuisum. Commune est, quod sine aliquo insigni & inusitato damno, mediocri aliquo cum incommodo usuuenit. Veluti cùm res commodata deterior est reddita, § accepta. l. 3. §. j. D. commod. Vel cùm rem alienam sciens quis ignoranti uendidit. l. seruus, 30. §. si sciēs. D. de act. empt. Vel cùm mensam nō citream quis uendidit pro citrea. l. si sterilis, 21. §. 2. D. cod. Extraordinariũ est cū insigne aliquod damnum præter opinionem & consuetudinem acceptum est: insignis ue utilitas amissa. Veluti si pecus

cus morbosa uendita est, cuius cōtagio
ne grex totus interiit: aut tignum uitio-
sum uenditum, cuius uitio domus in il-
lud incumbens corruit: aut dolium ui-
tiosum uenditum, cuius uitio uinum o-
leum uel infusum corruptum est: aut ser-
uus occisus qui hæres opulētæ alicuius
hæreditatis institutus fuerat: aut uinum
triticum uel emptori non traditum, cu-
ius ex negotiatione magnum uenditor
qui mercaturam exercebat, questum fa-
cturus erat.

Hæc cum ita sint, proximum est, ut
uiam aliquam inuestigemus, qua infini-
tum istud interesse si minus uerè ac γεο-
μετρικῶς, uerissimiliter saltem & proba-
biliter æstimare ac definire possimus.
Quod, mea quidem sententia, commo-
dus fieri non poterit, quàm si damni ac-
cepti causas cōsideremus. Causa nanq̃
alia est ui sua, & ut uulgus loquitur, im-
mediatè efficiens, ueluti cum quis ma-
nu sua & gladio immittendo seruum oc-
cidit. Alia est adiuuans, & ut Dialectici
loquuntur, sine qua non: ueluti si uendi-
tor triticum non tradiderit, cuius penur-

ria serui mortui sint. l. si sterilis. §. 3. D. de act. empt. Ergo si mei iudicij quid esset, statuendum hoc modo existimarē: ut quibus casibus subesset causa damni accepti lucriue impediti necessariō & ui sua conficiens, ijs casibus quanti quanti illud esse constaret, siue dolus, siue culpa intercessisse diceret, tanti reus damnaretur. Aequitati enim naturali cōsentaneum est, ut is qui damnum intulit, illud in solidum refarciat. Cuius rei aliquot exempla disciplinæ causa proponenda sunt. Ponamus igitur Stichum seruum meum à Titio interfectum, quē sub pœna dare promiseram. Paulus in l. proinde, 22, D. ad legem Aquiliam, statuit, quia Titius causa huius damni fuit, eum pœnam quoq; quam præstare coactus sum, eo iudicio luiturum. Verū utrū de dolo tantū, an etiam de culpa hoc intelligendum est? Nam in iure ciuili magna inter dolum & culpam differentia seruatur; neq; enim tantopere is qui in culpa est, quā qui dolum admisit, punitur. l. cum autem, §. excipitur, D. de ædil. edict. Sed & lex Aquilia & qui

qui ad eam scripserunt Iurisconsulti, nobis de ea re dubitandi occasionem omnem præciderunt: cum toties inculcetur, iniuriam in ea lege etiam pro culpa intelligendam esse: eamque rem copiosè in Institutionum commentarijs explicauimus: ut affirmare non dubitemus, etiam eum qui imprudens seruum hæredem institutum occidit, solidum id quod inter est debere: ex d.l. proinde, & seq. Causa enim illius damni fuit certa & necessariò cōficiens. Exemplum porrò aliud suppeditat l. Argentarius, 10. §. 2. D. de edendo. Vbi si argentarius rationes non edidit, & ego propterea condemnatus sim, uel quod petebam, non obtinui, eo quòd nō habuerim rationes, Vlpianus statuit, illum in eam quantitatem condemnandum esse. Item si quid amisi ob eam rem, quia per te factum est, quominus in ius uocatus se sisteret: ueluti si tempore rei dominium sibi acquisierit, aut actione liberatus fuerit, Iulianus in l. 3. D. de eo per quem fact. respondit hæc damna in iudicium uenire. Itē si uietor uitiosa uasa uendiderit, aut locarit: & o-

leum infusum corruptum sit, aut effluxerit, l. sed addes, 19. §. 1. D. locati, l. tenetur 6. §. si uas. D. de act. empt. Itē si faber materiarius tigna uitiosa mihi uendiderit, quibus ædes meas fulcirem, & ædes propterea corruerint : aut aliquis morbosum pecus sciens uendiderit, & c. pecora contagione perierint : hæc omnia dāna præstanda erunt. l. lulianus, 13. D. de act. empt. Ac de uera quidem efficiēti uel dāni, uel utilitatis causa, hæcenus. Deinceps de adiuuāti & longè petita causa considerandum est. Nam Paulus quidem in l. si sterilis, 21. §. 3. D. eod. ita scribit: Si uenditor uinum sua die non traderit, & propterea emptor quæstum illum amiserit quem ex negotiatione illius uini facturus erat, non tamen illud damnum præstandum esse. Quid ita? nimirum quia culpa uenditoris non fuit causa illius damni efficiens, quippe cū traditio non habuisset certam & necessariam uim illius utilitatis efficiendæ: ut pote quæ in fortuna & incerto euentu posita erat. Nos autem in definitione diximus, id quod interest esse discrimen
inter

inter eam conditionem quæ olim fuit, uel omnino & certè futura fuerat, &c. Quod eodem modo iudicandum est, si triticū emero, & ob eam rem quòd non sit traditum, familia mea fame laborauerit: neque enim pretium seruorum fame necatorum consequar: quippe cùm culpa non tradendi, sola per se ac ui sua dānum illud non effecerit: debui enim aliunde cibaria meis seruis quærere: & si pluris ea comparassem, quanti mea interfuisset petere. Culpa igitur & negligentia mea causā illius interitus, non uēditoris mora præcipuè sustinet. Idēq; de equo statuendum est, quem propter eius qui fœnum uendiderat, moram ac negligentiam, fame necari siueram. De bui enim aliunde illi cibum saltem ad diem unum parare: & postridie aliò illū abducere, & quanti mea interfuisset petere. Mortis autem causā efficiens non tam uēditoris culpa, quàm mea ignauia fuit.

Sed hoc loco duæ subobscuræ & subdifficiles quæstiones occurrunt, de quibus necessariò nobis explicandum est.

est. Nam Vlpianus in d.l. Iulianus, D. de act. empt. ubi agit de eo qui uitiosum tignum morbosam ue pecudem uendiderat, distinguendum esse scribit, inter eum qui sciens, & eum qui ignorans uendiderat, ut si sciens uendiderit, id quod interest præstare debeat: sin minus, non debeat. quod eodem modo statuitur de eo qui saltum pascuum locarat, in quo herba mala nascebatur. l. sed addes, 19. §. j. D. locat. & l. tenet, §. si uas, D. de act. empt. Item de eo qui interpolata uestimenta pro nouis, aut uas aurichalcum pro aureo uendiderat l. Labeo, 45. D. de cont. empt. Non iniuria igitur quæri posset, cum scientia & ignorantia nihil ad damni efficiendi differentiam ualeant: id est, cum non minus ignorans uenditor damnum det, quam sciens & prudens: quam obrem eum qui sciens fuerit, damnemus: qui ignorans, absoluamus: cum superius illam regulam absolutè & simpliciter tradiderimus, eum qui damni causa efficiens fuerit, damnandum esse. Sed respondemus, ob eam causam id constitutum esse, quia multæ ob dolum tantum culpam ue

pam' ue commissam irrogantur. Condē
natio autem in id quod interest, poēna
est: itaq; nominatim appellatur in l. un.
C. de sent. quæ pro eo quod int. & l. ult.
D. de eo quod certo loco. Ignorantia au
tem plerunq; culpæ expers est. Cur au
tem plerunq; dixerimus, mox exponen
di locus erit. Nam altera dubitatio exo
ritur ex eo, quòd cū Vlpianus & Iulia
nus statuunt distinguendū esse inter uen
ditorem tigni uitiosi, aut pecudis mor
bosæ, scientem, & ignorantem: tamē in
d. l. sed addes, nihil discriminis statuatur
inter eum qui sciens, & eum qui impru
dens uasa uitiosa uendiderit. Verū pa
rata quoq; responsio est: si modò illud
intelligatur, ignorantiam artis in ijs cul
pari, qui eam artem profitentur, l. si quis
domum, 9. §. Celsus, D. locat. l. illicitas, 6.
§. sicuti, D. de offic. præf. Itaq; si ponatur
uitiosa res ab eo uendita, qui eius artis
scientiam profitebatur: ueluti si uietor
dolia uitiosa uendiderit, aut faber tigna
rius tignum uitiosum, siue prudens, siue
imprudens id fecerit, nihil interest: pro
pterea quòd in professore alicuius artis
imperii

imperitia culpæ annumeratur. At si q̄s
alius (ut sæpenumero usuuenit) eas res
uendiderit, ignorātia culpæ est expers.
ut faciliè appareat legē, Iulianus, ubi de
tigni uenditore loquitur, non de fabro
materiario, sed de alio intelligendam es-
se. Contrā uerò legem, sed addes, de uie-
tore & artis doliariæ professore accipiē-
dam esse. Et que disputationi consen-
taneum est quod iisdem in locis addi-
tur: Ignorantiam in locatore saltus pas-
cui, in quo herba mala nascebatur, item
quæ in uenditore morbosæ pecudis ex-
cusari: quia rerum illarum ars profes-
sioq; nulla est.

Verū ut ad institutum reuertamur,
& iam uiam quandam eius quod inter-
est æstimandi reperire possimus, nō om-
nino incōmodè, meo quidem iudicio,
constitui hæc disputatiō hoc modo po-
terit: si dicamus, ijs casibus quibus com-
muni quadam & quotidiana ratione, id
est, sine inusitato & insigni aliquo detri-
mento interest: primū, si damni quāti-
tas certa & explorata est, eam esse seruā-
dam: sin uerò obscura & ambigua est, tū
ita

ita condemnationem faciendam esse, ut
nunquam alterum tantum superetur: sed
dupli modus perpetuo seruetur. quoni-
am æquum uidetur quamq; rem domi-
no suo non amplius damni, quam quan-
tum alterum tantum complectitur, affer-
re. quemadmodum Iurisconsulti in illa
duplæ multa, quam in euictionibus cō-
stituerunt, non obscure significant. Idq;
etiam argumentari licet ex l. Titius, 43.
cum leg. seq. 44. D. de act. empt. Et ex
l. si tibi, 25. C. de euict. l. si fratres, 7. C. cō-
mun. utrius. iud. Vbi Imperatores ratio-
nem Duplæ cum ratione eius quod in-
terest, planissime comparant: optionē
facientes emptori uel duplum petendi,
uel id quod interest. Præterea aliud ar-
gumentū suppeditat cōsideratio stipula-
tionis pœnæ, quā superius docuimus, ni-
hil aliud esse q̃ definitionē eius, quod in-
terest, l. ult. D. de stipul. præ. Atqui ne-
mo est, sensus qdē cōmunis cōpos, qui
nō absurdū esse fateat, amplius q̃ alterū
tantū in illā pœnæ stipulationē cōcludi.
Quid enim iniquius esset, quam eū qui
equum triginta aureorum sibi dari stipu-
latus

latus est, postea subiicere, Et, si illū non dederis, dabis pœnæ nomine septuaginta, aut centum? Quare moderata & iusta ratio eius quod interest æstimandi, uidebitur, in casibus quidem quotidianis & communibus, si dupli modus & quantitas obseruetur. Neq; dubito quin illud ipsum Imp. Iustinianus spectarit in illa nobili, & uexata lege unica, c. de sent. quæ pro eo. Vbi Tribonianus, quā tum homo in Latina lingua hospes & peregrinus, potuit, sensum suum exprimens, ait, ijs casibus qui certam naturā uel quantitatem habent, duplum excedi non oportere. Casus enim certæ naturæ uel quantitatis, casibus incertis posteriorius opponens, perspicuē meo iudicio demonstrat, cū incerti casus interesse nō sint, quibus præter opinionem, & quotidianum rerum humanarum cursum interesse aliquod insigne contigit, eos certæ naturæ uel quantitatis ab eo dici, quorum usitata & frequens & ex communi rerum cursu atq; ordine prope modū certa natura uel quantitas est: ueluti si is cui equus aureorum triginta
com-

commodatus esset, sic eo abusus sit, ut eum decem aureis deteriores fecerit: uel si qui citream mensam uendere se dicebat, non citream tradiderit: quis est rerum quidem humanarum non omnino imperitus, qui ex quotidiano & communis uitae humanae cursu non possit naturam & quantitatem illius dari aestimare? Quae de causa, certam illam eius quod interest quantitatem Iustinianus appellat: id est, non insolentem, neque extraordinariam, neque opinionem & communem rerum humanarum cursum superantem. Quod eodem modo dici potest de eo, qui rem alienam sciens ignoranti uendiderit: quae Paulus scribit, etiam ante quam euincatur in id quod interest teneri. l. seruus, 30. §. si sciens, D. de act. empt. Et generaliter in omnibus stipulationibus faciendi aut praestandi: ex quibus multo dilucidius intelligitur, quam ob rem Iustinianus istos casus certe naturae uel quantitatis appellet. Nam obligatio faciendi disiunctiua est, & alternationem in se continet: ut aut factum praestetur, aut pecunia quanti ea res est, detur. l. stipulationes

F non

non diuiduntur, 72. & l. si fundum, 114. D. de uerb. oblig. l. si quis ab alio, 13. D. de re iudic. l. ult. D. si quis in ius uoc. l. stipulatus es, D. de fideiuss. Itaq; post morā commissam obligatio faciendū in obligationem pecuniæ transfunditur. arg. l. obligationum ferè, 43. §. ult. De oblig. & act. Quæ cū ita sint, quis non uidet, eum casum quo promissus in diem fundus non præstatur, certæ quantitatis rectè appellari posse: quippe cū certa sit eius æstimatio, quæ in ipsius locum succedit. Quare cū Vlpianus in d. l. 114. de uerb. oblig. sic loquitur: Si fundū certo die præstari stipuler, & per promissorem steterit, quominus ea die præstetur: consecuturum me quanti mea intersit, moram factam non esse. Cū, inquam, ita loquitur Vlpianus, nemo non iudicabit & hoc simpliciter, dummodo nullū extrinsecus detrimentum insigne acciderit, facile ac certò ex fundi æstimatione statui posse: neq; eius quod interest alterum tantum superare debere.

Atque hæc quidem de æstimatione eius quod communiter & certo modo inter-

interest, satis. Quod autem ad extraordinarium attinet, distinguendum arbitror, ut (quemadmodum superius diximus) si quidem causa efficiens subsit, quanti quanti fuerit, in solidum præstetur. Sin uero causa sine qua non, tum etiam distinguendum omnino putarem, utrum dolus malus, an culpa tantum interuenerit. neque enim ius æque eum qui in culpa est, ut eum qui dolum admisit, coercendum censet. l. cum autem, §. excipitur, D. de ædil. edict. l. rescriptum, D. de his quib. ut. iud. l. ex facto ad fin. D. de uulg. & pup. Ergo si culpa tantum interuenerit, tunc ad dupli quoque rationem reuocanda æstimationem arbitror: præsertim ijs casibus, quib. culpa rei sola æstimanda non est: quippe quæ sola causam damni non dederit, sed cum extranea causa siue ab actore, siue aliunde perficiscatur, coniungenda est. Veluti si meum equum perire siuero, quod uenditum fœnum non traderes, mea etiam culpa simul cum tua coniungenda est. Item si triticum uinum uel uenditum non tradideris, qua de causa quaestus is quæ ego mercator ex frumentaria uel uinaria ne-

ria negotiatione facere potuiffem, im-
ditus fit: nam & te culpæ illius poenā a-
liquam fufcinere, rectum eft: neq; tamen
æquè multari, ut fi folam & proximam
& (ut uulguſ loquitur) immediatā cauſ-
ſam præbuiſſes. Placet igitur his caſibus
illam de qua diximus Iuriſconſultorum
conſuetudinem obſeruari, ut culpa non
grauius, quàm dupli quantitate plec-
tatur. At fi dolus commiſſus probetur, ite-
rum conſiderandū exiſtimo, utrū dā-
num acceptum fit, an uerò lucrum impe-
ditum. quarum rerum magnam Ius ciui-
le differentiam ſtatuit, uti patet ex l. ult.
§. ſi uerò creditores, c. de iur. delib.
Nam ſi dolus malus, id eſt, malitia con-
ſultò ad inferendum alicui damnum ad-
hibita fuiſſe probabitur, & damnum il-
lud reuera acceptum fit, ueluti ſi uendi-
tor fœni data opera illud non tradide-
rit, ut equus emptoris fame periret: quo-
niā Dolus malus in iure pro delicto nu-
meratur: puto uenditorem in ſolidū cō-
demnandum eſſe: non tantū propter
id quod intereſt, (cuius cauſſam non ſo-
lus ſuſtinet, ut modò dicebamus) uerū
etiā

etiam ut delictum illud atq; iniuria do-
lo malo illata plectatur. Neq; enim be-
neficia legum ad indulgendum impro-
bitati hominum instituta sunt. l. in fund.
D. de rei uind. l. auxilium. D. de minori-
bus. l. uerum hoc quoq; D. pro socio.

Sin autem lucrum duntaxat impedi-
tum est, tum iterum cōsiderandum erit,
utrū lucrum certum & exploratū fue-
rit: ueluti cū seruus hæres institutus in-
terfectus est: tum enim solidum quoque
præstandum arbitror. sin autem in incer-
to duntaxat rerū euentu & fortuna posi-
tum fuerit, ueluti si equos uenditos non
tradideris, quos in castra mercator du-
cere, & plurimū uendere potui, tum &
difficile profectō dictū est solidum præ-
standum esse: quoniam ne dici quidem
potest, id ademptum esse, neque tamen
non improbitas doli malī coercēda est.
Sed quia ex facto res pender, ea necessa-
riō prudentiæ & æquitati iudicis com-
mittenda est: ut similibus in causis tra-
dit à Paulo in l. 13. §. j. D. de ann. leg. & l.
14. D. de temp. præscript. Quod cū ita
sit, patere cuius arbitror, quanta Tribo-

nianus solertia, & subtilitate in illa sua nobili constitutione de sent. quæ pro eo quod int. usus sit. qui cùm Iurisconsultorum omnium ueterum, quotquot hanc artem per annos amplius septingentos professi erant, acumen ac prudentiam superare uoluerit, suam ipse stultitiam ac temeritatem posteris, qui lapidem è sepulcro uenerarentur, pro Deo, providendam putauit.

INTERPRETA

TIO LEGIS VNICAE, C. DE SENT.

quæ pro eo quod inter prof.

Caput XI.



ET quoniam de eo quod Interest proximè disseruimus, quod ab Imp. Iustiniano planissimè tractatum existimatur in l. un. C. de sent. quæ pro eo quod inter. non incommodum fore arbitror si eam legem hoc loco more institutoque nostro interpretari conemur. Argumen-
tum

tum igitur hoc esto. In eo quod interest æstimando, ex causa quidem certorum casuum, Duplum finis est: ex incertis casibus, res arbitrio iudicis ita committitur, ut id solum damnum, de quo reuera constiterit, compensari iubeat. Id quod non tantum ubi de damno, sed & ubi de lucro agitur, ualet. Nunc legis uerba uideamus. Cum pro eo quod interest dubitationes antiquæ in infinitum productæ sint: melius nobis uisum est huiusmodi prolixitatem, pro ut possibile est, in angustum coarctare. Scimus itaque in omnibus casibus qui certam habent quantitatem uel naturam ueluti in uenditionibus & locationibus, & omnibus contractibus hoc quod interest dupli quantitatem minime excedere. In alijs autem casibus, qui incerti esse uidentur, iudices, qui causas dirimendas suscipiunt per subtilitatem requirere, ut hoc, quod reuera inducitur, damnum hoc reddatur, & non ex quibusdam machinationibus & immodicis peruersionibus in circuitus inextricabiles redigatur. ne dum in infinitum computatio reducitur, pro sua

impossibilitate cadat: cū sciamus esse naturæ congruum eas tantummodo pœnas exigī, quæ uel cum competentī moderamine proferuntur, uel à legibus certo fine conclusæ statuuntur. Et hoc non solum in damno, sed etiam in lucro nostra amplectitur constitutio: quia & ex eo ueteres id, quod interest, statuerunt. Et sit omnibus, secundum quod dictum est, finis antiquæ prolixitatis huius constitutionis recitatio.

Dubitationes antiquæ in infinitum. Enuntiatio 1. Infinitæ ueterum de eo quod interest, dubitationes fuerunt. Quod nequaquam mirandū est: cū ea tota quaestio in factō, id est, in coniecturali causarum statu, quī ad Iurisconsultos nullo modo pertinet, tota uersetur, l. quatenus, D. de reg. iur. l. ult. D. de stipulat. prat. Itaque recte Scæuola cū de incertis factis quaereretur, in l. 13. §. 1. D. de ann. legat. Respondi (inquit) nō posse absolute responderi, cū multa oriri possint, quæ p̄ bono sint æstimanda. Ideoque huiusmodi uarietas uiri boni arbitrio dirimenda est. Et in l. 14. D. de diuers. & tempo. De accessionibus possessio-

sessionum (inquit) nihil in perpetuum neq; generaliter definire possumus. Cōsistunt enim in sola equitate. Et Celsus l. in fundo, 38. D. de rei uind. Bonus iudex (inquit) uarijs ex personis causisq; statuet.

Melius nobis uisum est. Sequitur ij. Iustianus tractationē eius quod interest, certis finibus ac terminis circumscribere uoluit. Quā in re nobis de summa sua uel sapientia, uel stultitia existimandi copiā facit: qui quod per annos septingentos, tam multi & tam sapientes uiri excogitare nō potuerunt, uel potius fieri non posse iudicarunt, id se confisus est posse nullo negotio conficere.

Et omnibus contractibus. Seq. iij. In omnibus contractibus casus quidam sunt, qui certam naturam uel quantitatem habent. Intelligit autem casus eius quod interest. Nam etsi contractus alij sint rerum certarum, alij incertarum, l. stipulationum, 74. D. de uerb. oblig. tamen in quibusuis cōtractibus cū id quod conuentum est, non pręstatur, communiter & quadā ratione summa eius quod in-

F 5

interest

terest æstimari potest.

Dupli quantitatem. Sequitur iij. Iustini-
ni legeratio eius quod interest, in cas-
ibus certis & quotidianis duplo termina-
tur. Cuius rei æquitatem superius ex-
posuimus.

Quod reuera inducitur. Sequitur v. Iusti-
niani lege in casibus incertis æstimatio
eius quod interest ita prudentiæ iudicis
permittitur, ut id solum damnū de quo
reuera constitit, resarciri iubeat. Id est
cui reuera causam efficientem subesse
constitit.

Eas tantummodo pœnas. Seq. vj. Naturæ
congruum est, eas tantum pœnas exi-
gi, quæ uel moderatè petuntur, uel ipso
iure definitæ sunt.

Sed etiam in lucro. Seq. vii. Iustiniani
constitutio, non tantum ubi de dam-
no, sed etiam ubi de lucro agitur, locum
habet.

Veteres statuerunt. Seq. viii. Veteres ra-
tionem eius quod interest, non in dam-
no tantum, sed etiam in lucro habuerūt.
Cuius rei testimonia superiore capite sa-
tis multa protulimus.

DE MORA, EIVS QUE PARTIBVS.

Caput XII.



MORA in iure ciuili nō tantum est tarditas, sed ea tarditas, quæ cum alterius culpa coniuncta, alteri damnosa est: & in solutionibus præstandis recipiendis ue, tanquam in subiecta materia, uersatur. Itaque non omnino ineptè, meo iudicio, definiri sic poterit: Mora est culpa prætermittendi officij in soluendo, recipiendoue debito, quæ alteri damnosa est. Quanquam enim mora propriè in debitorib. dicitur, qui creditoribus expectantibus in mora sunt, nec eos absoluunt: tamen quoniam creditores quoque qui tarditatem in oblata solutione recipienda interponunt, damnum debitoribus afferunt. Propterea Moræ duo genera constituimus, unum in debito non præstando: alterum in non recipiendo, quod oblatum est: qua de causa in definitione uerbum, **RECIPIENDO VE**, adiecimus. Vtriusque

usq; autem generis quadripartita disputatio est. Nam primo loco quemadmodum mora committatur, tum quòd ex ea damnum nascatur, deinde qua pœna mora multetur, postremò quemadmodum purgetur, id est, quemadmodum pœna ei imposita euitetur, differendum est. Ac mora quidem non præstandi debiti, sic à nobis describetur: culpa debitoris prætermittentis soluere, quod soluere & debuit & potuit: cum aliquo creditoris incōmodo cōiūcta. Quatuor namq; illius partes obseruādæ sunt: Debitio, facultas soluendi, Prætermissio solutionis, & damnum ex ea profectum. Quæ nisi omnia simul concurrant, mora commissa non dicitur. De singulis igitur ordine uideamus. Ac primus quidē locus triplex est. Primùm enim à culpa moræ remouetur is, qui omnino non debet: tum is qui debet quidem, uerùm nō eo loco uel tempore, quo postulatur: postremò is qui se nō debere, iusta de causa existimauit: neq; enim istantum qui omnino non debuit, moræ expers est: uerumetiam is qui debuit quidem, sed
non

non illo, quo appellatur loco. l. mora. 32 D. de usuris. l. si fideicommissum, 50. D. de iudic. l. cum res, 47. D. de legat. primo. Item si quis kalendis Maijs dari sponderat, Aprili mense à creditore appelletur: quia reuera nondum debebat, etiamsi res interierit, quæ si data fuisset, seruari potuisset, tamen in mora fuisset non dicitur. l. cum filiusfa. 49. §. ult. D. de uerb. oblig. Atque hoc nimirum illud est, quod scribit Scauola in. l. si pupillus, 127. D. de uerb. oblig. & in. l. nulla. 89. D. de regul. iur. nullam intelligi moram ibi fieri, ubi nulla petitio est: id est, ubi petendi ius non fuit: siue quia nulla est actio, siue quia exceptione repelli potest. qua de caussa Paulus in. l. lecta, 40. D. si cert. petat. scribit, in mora non esse eum à quo pecunia propter exceptionem peti non potest. Deinceps uideamus de eo, qui cum deberet, tamen uel nullam iustam causam habuit intelligendi cur deberet: uel iustam causam habuit ignorandi se debere: de quo scribit Paulus in l. quod te, 5. D. si cert. pet. ueluti, cum hæres soluere quod defun-

functus debuit, cunctatus est. l. 3. D. de usur. quoniam qui in rem alterius succedit, iustam ignorantiae causam habet: ut ait Vlpianus in l. qui in alterius, 42. D. de reg. iur. Eoque illa peruulgata pertinent, eum qui sine dolo malo ad iudicium prouocat, moram facere non uideri. l. qui sine, 63. de reg. iur. item, eum qui iudicium accipere paratus est, moram non facere, si iuste ad iudicium prouocauit. l. si quis, 24. l. paratum, 47. D. de usur. neque nobis aduersatur quod scribit Vlpianus in l. nemo, 82. §. ult. D. de uerb. oblig. moram fecisse uideri eum, qui litigare maluit, quam restituere. Aliud est enim malle litigare, quam soluere: ueluti cum quis frustrandi ac tergiversandi causa appellationem interposuit, de quo in l. tutore, 41. D. de usur. Aliud malle soluere, quam litigare: de quo istis in locis agitur: ubi de eo disputatur, qui se debere ignorans iudicio experiri mauult, quam temere rem suam cuius petenti concedere. Atque haec quidem de debitione, quam primam morae partem fecimus, explicata sint, proximum

ximum est, ut de soluendi facultate pauca dicamus: de qua Pomponius in l. 3. §. 3. D. de act. empt. sic loquitur: Mora autem, inquit, uidetur esse, si nulla difficultas uenditorem impediat, quo minus traderet. Hic autem, locus etiam dupliciter tractatur: nam primum de eo disseritur, qui nulla sua culpa soluere non potest: tum de eo cuius culpa factum est, quo minus posset. Ergo si quis repentina aliqua legatione impeditus, uel in uinculis hostium ue potestate positus, soluere non potuit: moram facere non uidetur. l. sed etsi, 23. D. de usur. uel si promissus seruus sine debitoris culpa interierit, manumissusue sit, in hostium ue potestate esse coeperit: aut fundus religiosus factus sit. l. si seruum, 91. D. de uerb. oblig. At si, per eum factum est, quo minus posset, ueluti cum debitum hominem occidit, aut manumisit, Regula iuris eum qui fecit quo minus posset, æque ac si posset, teneri. l. si ex legati, 23. l. si seruum, 91. D. de uerb. oblig. l. quid ergo, §. si heres, de legat. primo. quod usque eo uerum est, ut etiam si alius

lius in debitoris odium, seruum interfe-
cerit, si quidem debitoris aliqua cul-
pa sublit, æquè teneatur: l. si merces. §.
culpæ, D. locat. l. penult. D. solut. mat.
Apparet igitur, siue quis soluere potue-
rit, siue per eum steterit quominus sol-
uere posset, moram committi. l. quod
te, §. D. si cert. petat. Quod igitur ad
duas istius moræ partes attinet, satis di-
ctum sit. Deinceps de tertia uideamus:
quam diximus esse prætermiſſionem
officij in soluendo. Huius autem duæ
sunt species: quarum altera ex persona
æſtimari dicitur, altera ex re, siue in rem.
Ex persona mora æſtimatur, cùm debi-
tor opportuno loco ac tempore à cre-
ditore appellatus, soluere tamē præter-
miſit. l. mora, 32. D. de usur. ubi Marcia-
nus ait, difficilem huius rei definitio-
nem ac præceptionem esse: id est, diffi-
culter certam aliquam ea de re præce-
ptionem ac regulam tradi posse: quip-
pe quæ magis sit facti, quàm iuris.

Ex re uerò fieri mora dicitur, cùm ip-
so iure ac solo temporis decursu sine ul-
la creditoris appellatione prætermiſſio
illius

illius officij reprehenditur. uelut in l. sed
et si, 23. D. de usur. ubi Vlpianus ait, a-
liquando etiam in re moram commit-
ti, ueluti si non extet qui conueniatur.
Itaque Impp. l. 3. C. in quibus causis. rest.
In minorū, inquit, persona re ipsa, &
ex solo tempore tardæ pretij solutionis
recepto iure morā fieri creditū est. Qui-
bus aut casib. ipso iure mora cōmittat,
quib. itē interpellatio necessaria sit, ma-
gnę quęstionis res est. Itaq; distinctione
utendū est obligationū. nā cum aliæ ex
cōtractu sint, aliæ uerò ex delicto, si qui
dē ex delicto res debeat, semper ipso iu-
re morā cōmittitur. quoniā (uti scribitur
in l. ult. & l. 8. §. j. D. de cond. furt.) qui se-
mel inuito domino rē contrectauit, ui-
detur in ea restituenda, quam nec aufer-
re debuit, morā facere. Quod etiā cōfir-
matur, l. j. §. deniq; 22. & l. pen. D. unde
ui. ubi idem Tryphonimus scribit, ex ip-
so tēpore delicti plusquā frustrator debi-
tor cōstitutus est. Qua de causa idem e-
tiam dicendū esse intelligit de omnibus
malæ fidei possessorib. quippe cū etiam

G

sine

sine ulla interpellatiōe frustratores sint. Idq; etiā animaduerti potest ex l. sed & si lege, quod ait, D. de petit. hered. & l. si aut, §. si homo, D. de rei uindicat. Sin uerò ex cōtractu res debeat, tum rursus distinguendū & considerandū est, utrūne datio in obligatiōe sit, an factū: & rursus si datio in obligatiōe est, utrūne pure, an in diem, an sub conditione concepta obligatio sit. nam si quidē pure promissum est dari, quamuis confestim obligatio nata sit, l. eū qui, 41. §. j. D. de uerb. oblig. tamen ex æquo & bono, non antemora cōmitti dicī, q̃ creditor petierit: neque adeò delicatum creditorē esse oportet (ut qdā loco Vlpianus loquit̃) quin illud Alfij meminerit, Bona nomina nō appellādo fieri nonnūquā mala.

Sinautem in diem contracta obligatio est, quoniā diei adiectio in gratiam rei facta dicī. l. stipulatio, 38. §. inter, D. eod. ac propterea spatiū illud datū promissoris uidet̃, ut interea solutionē pareret: iure ciuili receptum est, ut præteritio diei uim interpellationis habeat: & (ut uulgo

uulgo dicitur) dies pro homine interpel-
lat. l. promissor. 21. D. de pecun. constit. l.
pecuniæ, 9. §. j. & l. euictis, 18. D. de usur.
l. 2. C. de iure emphyt. quod eodē modo
de obligationib. quæ sub cōditione cō-
ceptæ sunt, dicendū arbitror: ut siue pe-
cunia, siue corpus promissum sit, euen-
tus cōditionis pro interpellatione uale-
at: quippe qui officiū sui debitorē admo-
nere uideat. Deinceps de factorū obli-
gationib. uideamus, quorū duo sunt ge-
nera: nā alia repentina sunt, ut seruū ma-
numitti, fundū præstari: alia tractū tēpo-
ris habere dicunt: ut insulā fieri, uel fulci-
ri: fossam fodiri, tabulā pingi. l. quoties.
D. de operis lib. Ergo si factum est eiuf-
modi, ut statim absolui possit, idē pror-
sus quod de Dandi obligationib. statuē-
dum putarem: ex l. si fundū, 114. de uerb.
oblig. sin autē factū est, quod tractū tem-
poris habeat, tum distinguendū putarē,
utrūne dies operi præstituta sit, an non
sit. nam si dies præstituta est, præteritio-
nem diei pro interpellatione ualere. Si
uerò dies præstituta non est, tum præte-

ritionem huius tēporis quo cōmodè opus perfici potuit, pro interpellatiōe habendā esse: & illo tēpore decurso morā cōmitti: primū quia dies tacita non minus quā expressa interpellare dicit: in l. 2. C. de. iur. emphyt. deinde quia post illud tēpus stipulatoris interest, aut certè interessē iudicatur. mora aut ex damno uel uero uel præsumpto æstimatur. Itaq; Paulus in. l. si insulā, 84. & in. l. cōtinuus, 137. §. qui insulam, D. de uerb. oblig. non obscurè significat, transacto tēpore purgari moram posse: cū ita scribit: Trāfacto tēpore posse te facientem liberari placet. Ex quo intelligit, si mora purgatur, eam commissam fuisse. Hæc cū ita sint, illud tamen intelligi oportet, siue ex persona, siue ex re mora æstimet, eā tamen prætermisionē soluēdi, quæ honesta aliqua & pbabili de caussa facta est, culpæ nō imputari, uelutī cū modicū aliquod spatium ad soluendū à debitore sumptū est. neq; em si nō eodē temporis puncto ac momēto quo appellatus est, persoluit, cōtinuò prætermisissē officiū,
&

& morā cōmisisse dicēdus est. nō em̄ cū
sacco (ut ait Iuriscōsultus) creditor adi-
re debet. l. qđ dicimus, 105. D. de solut.
tēperamentū aut non minus decē dierū
accipitur; argumēto. l. promissor, 21. D.
de const. pecun. Probabilis etiā & hone-
sta cūctatio est, de qua scribit Vlpianus
in l. sciendū, 21. D. de usur. sciendū est, (in-
quit) nō omne quod differēdi causa o-
ptima ratione fiat, morę adnumerandū.
quid em̄ si amicos adhibēdos debitor re-
quirat, uel expediēdi debiti, uel fideius-
sorib. rogādis. Eodē etiā pertinet illa di-
latio de qua scribit Paulus in l. cū quidā,
17. §. si pupillo, D. eod. ut si heres a quo fi-
deicōmissum pupillo relictū est, ideo ei
nō soluat, quia tutorē nō habeat, nō pro-
pterea in mora esse uideat: quippe cū
pupillo nō rectē sine tutore auctore sol-
uatur. §. ult. quib. alien. nō licet. In eodē
præterea genere est quod Papinianus
tradit in l. pecuniæ, 9. D. de usur. si post
mortē creditoris nemo fuit, cui pecuniā
solueret, eius tēporis inculpatā esse mo-
ram. quid em̄ (ut alibi Paulus in eandem

sententiã scribit) potest imputari ei, qui
soluere, etiã si uellet, nō potuit: Hactē-
nus de trib. morę partib. dictum est. reli-
quū est, ut de quarta uideamus: hoc est,
de dispendio quod ex ea nascit̃. nā eius
moræ ex qua damnū nullū nascit̃, ratio
habet̃ nulla. l. si post tres, 8. D. si qs caut.
Atque hic scilicet tertius est nostrę hu-
iusce disputationis locus: in quo de dā-
no quod ex mora proficiscitur, nos di-
cturos esse pollicebamur. Damnū autē
duplex est. Nā aliud in re ipsa uersatur,
aliud in eius accessiōe. in re, cū post mo-
ram res perijt, deterior ue facta est. qua
in re accessionis Quāti plurimī ratio ha-
betur: quippe quæ rei pars esse iudica-
tur. Itaq; Pomponius in l. 3. §. 3. D. de act.
empt. Si per uenditorē uini mora fuerit,
(inquit) quominus traderet, cōdemnari
eū oportet, utro tēpore pluris uinū fuit:
uel quo uenit, uel quo lis in condēnatio-
nem deducitur. itē quo loco pluris fuit:
uel quo uenit, uel ubi agit̃. Accessio ue-
rō triplex est: Eius quod interest, deinde
usurarū, postremò fructuū, in qb. partus
&

& foetus cōtinētur. Itaq; siqdē pecunia
numerata in obligatione fuerit, de usu-
ris agitur. l. ult. D. de peric. & concu. rei
uend. & l. 3. & pass. D. de usur. sin corpus
dandū, opusūe faciendū fuit, eius quod
interest ratio ducit. l. j. D. de act. empt. l.
stipulatiōes nō diuidunt, 72. D. de verb.
oblig. sin aut prædia aut animalia, aut e-
tiam quæuis alię res quæ locari possunt,
tum ex fructib. partub. foetub. ac merce-
de æstimari lis solet. l. respōdit, 14. D. de
usur. cū alijs innumeris. Quæ quidē à no-
bis iccirco strictim ac breuiter decursa
sunt, quoniā ex eo loco qui p̄ximē no-
bis explicādus est, quemq; tertiū in par-
titione fecimus, planius intelligent. nā
proximū est, ut quēadmodū mora mul-
tetur, & quæ pœna ei iure ciuili cōstitu-
ta sit, uideamus. Pœna autē duplex est:
quarū prior est hæc, ut damnū omne qđ
ex ea natū est, ad moratorē solū pertine-
at: altera ut amissam utilitatem restituat.
Atq; hoc nimirū illud est, qđ uulgo à lu-
riscōsultis tradit, & iam ferē in prouer-
bio est: Obligationē post morā cōmis-

sam perpetuari. l. si ex legati, 23. l. si seruū,
 91. §. sequit̃, & l. nemo, 82. D. de uerb. obl.
 ubi Vlpianus ait, Si post morā pmissor-
 is homo decesserit, teneť nihilominus
 æquē ac si homo uiueret. itē l. si ususfr. 6.
 D. de ususfr. legat. l. cū seruus, 39. §. j. D.
 de legat. primo itē l. quod te, 5. D. si cert.
 petat. ubi Vlpianus ait, quod te mihi da-
 re oporteat, si id postea perierit, q̃ per te
 factū erit, quominus id mihi dares, tuū
 fore id detrimentū constat. Quod eodē
 modo intelligendū est, si res deterior fa-
 cta sit. l. si filio, 25. §. 2. D. solut. mat. Id au-
 tē usq; adeo uerū est, ut etiam si res apud
 creditorē peritura fuisset, nihilominus
 eius æstimatio præsteť. l. cū res, 47. §.
 ult. D. de legat. primo: ubi Vlpianus &
 Labeo scribūt, Si fūdus chasmate perie-
 rit, æstimationē eius deberi: si quidē post
 morā factā id euenerit. quippe cū potue-
 rit legatarius eū acceptū uendere. In quā
 sententiā illud est Vlpiani, in l. item si,
 15. D. de rei uendic. Si seruus petitus uel
 aliud animal demortuū sit sine dolo ma-
 lo & culpa possessoris, si fortē distrahu-
 rus

rus erat petitor si accepisset, morā passo pretiū præstari debet. nam si ei restituisset, distraxisset, & pretiū esset lucratus. Quib. ex locis intelligitur, æquitatē eius legis ex hac æquitate pendere, quia creditor rem traditā uendere potuit. Placet igitur, ut cessatio plectatur, quia dānosa fuit. ob eamq; causam ex cōtrario si damnosa non fuit, id est, si uendi res à creditore non potuisset, magis placeret ut benignitate & humanitate uteremur. in eamq; sententiā opinor à Sabino & Cassio traditū fuisse, in l. si plures, 14. §. j. D. depos. si homo sine debitoris culpa mortuus fuerit, absoluendū esse debitore, quia æquū esset, naturalem interitum ad actore pertinerere. utiq; cū interitura esset res, etsi restituta esset actori, cui cōuenit quod scribit Vlpianus in l. item si, 14. §. pro eo, D. quod met. caus. Porro autem quod dicimus obligationē perpetuari, id nō tantū aduersus reū principalem ualet, uerūmetiā & ad heredē, & ad fideiussores. l. cū patrifa. 27. l. si qs, 24. D. de usur. l. cū filiusfa. 49. l. mora, 88. l. si

seruū, 91. §. nunc uideamus, D. de uerb. oblig. ex quib. intelligitur & heredes & fideiussores re post principalis debitoris moram perempta ad estimationē teneri. cum cōtrā fideiussoris mora reo nō noceat. l. mora, 32. in fi. D. de usur. l. cum filius fa. 49. D. de uerb. oblig. Atque hæc quidē de damno accepto dicta sint. deinceps de amissā rei utilitate uideamus. quam dicebamus esse quadruplicem. nā si species siue fruges debebantur, ueluti uinū, triticū, oleū, æstimatio quāti plurimi fieri solet. uti superius dicebamus ex l. si sterilis, 21. §. 3. D. de act. empt. altera utilitas in pecunia uersatur: propter quā amissam usuræ deberi dicūtur: in l. ult. D. de peric. & comm. rei uend. idq̃ generaliter in omnib. bonæ fidei iudicijs, l. mora, 32. §. j. & l. cum quidā, 17. §. ex locato, D. de usur. itemq̃ in legatis & fideicommissis. d. l. 2. C. de usur. & fruct. l. Titia, 87. §. j. D. de legat. secūdo. Iam uerò siue dādi corporis obligatio fuit, post morā id qd̃ interest præstatur: l. j. D. de act. empt. siue faciendī operis: nota est regula, obligatio-

gationē faciēdi operis, post morā in pecunia, id est, eius quod interest obligationē cōmutari, l. stipulationes, 72. D. de verb. oblig. l. obligationū, 43. §. ult. D. de oblig. & act. l. si quis ab alio, 13. D. de re iudic. Porro autē si pradia debebantur, Paulus lib. Sent. iij. in fine, scribit ex mora prastandorū fideicōmissorū uel legatorū fructus deberi. quod idem traditur in l. 2. & ult. C. de usur. & fruct. legat. & aliter casus pfertur à Paulo in l. uideamus, 38. D. de usur. Simillimaq; partuū & foetuum ratio est. nā, ut ait Paulus in l. respondit, 14. D. de usur. mora in soluendo fideicōmisso facta, partus quoq; ancillarū restituendos. Itē equis per fideicōmissum legatis, post morā heredis foetus quoq; deberi tradit in l. equis, 8. & l. 39. D. eod. Nunc cōsequens esset ut quantum partitionis nostrae locū, qui est de purganda mora explicaremus, sed primus de secundo morae genere, hoc est de mora creditorū, & cessatione recipiēdi quod oblaturū est, breuiter differendū uidet. A definitione autē incipiendū est. Ergo mora
non

nō recipiendi debiti est culpa creditoris
nō recipientis solutionē quæ à debitore
idoneè oblata est, unde aliquid incōmo
dī ad debitore peruenit. Huius em̄ item
ut superioris quatuor sunt partes, obla
tio idonea, facultas recipiēdi, cessatio, &
dānum ex ea profectū. Idonea aut̄ obla
tio est, quæ idoneo & loco & tēpore fa
cta est. l. sed & si alia, 17. D. de constit. pe
cun. l. si solutus, 39. D. de solut. l. qui Ro
mæ, 122. D. de uerb. oblig. l. ob signatio
ne, 9. C. de solut. Quibus in locis tradi
tur periculū oblatae solutionis quæ mo
do, loco, & tempore facta sit, ad credito
rē pertinere, Itaq; Marcellus in l. qui de
cē, 72. D. de solut. Qui decē debet, inq̃t,
si ea obtulerit creditori, & ille sine iusta
caussa ea accipere recusarit, deinde debi
tor ea sine sua culpa perdiderit, non est
æquū eū teneri, quia nō teneretur, si cre
ditor accipere uoluisset. quare pro solu
to, id in quo creditor accipiēdo morā
fecit, oportet esse. Ac de facultate quidē
& cessatione recipiēdi, eadē ferē quæ
superius dicta sunt, ad hunc quoq; locū
per-

pertinent. Quod autē ad damnum attinet, eodē quoq; modo mora in creditore multatur: ut rei interitus ad creditore spectet, d. l. si soluturus, & l. qui decē, D. de solut. Præterea debitor de perceptis tantum fructibus tenetur, non etiam de percipiendis: itemq; de dolo duntaxat. l. si mora, 9. D. solut. mat. Vbi Pomponius ait, Si mora per mulierem fuit, quominus dotem reciperet, dolū malū duntaxat in ea re, nō etiā culpā maritum præstare: quod etiam cōfirmatur à Pōponio in l. illud, 17. D. de peric. & commod. Eo accedit quòd creditor actione sua multatur, uti traditur in l. si debitor, 30. D. de solut. ubi Vlpianus ait, Si debitor offerret pecuniā, quæ peteretur, & creditor nollet accipere, Prætorem ei denegaturum actionem: nisi fortè uerior sit Pauli sententiā qui in l. interdum, 73. §. §. D. de uerb. obligat. scribit, debitori qui post moram obtulerit, si creditor iterū agat, doli exceptionem concedendam esse, locum enim illum de debitore moroso intelligendum arbitror.

Su-

Superest ut ad quartum & postremū
disputationis nostræ locum accedamus
& uideamus, quemadmodum & quibus
casibus mora purgetur. Initiū autē mo-
re nostro à definitione faciemus. Ergo
purgare moram est re integra cōtractā
ex mora culpam sic eluere, ut eius om-
nis pœna uitetur. Eius em̄ tres sunt par-
tes. Integritas rei, idonea oblatio soluti-
onis, & periculi translatio: quòd nisi u-
trunq; superius adsit, locus purgādē mo-
re nullus est. Res autē integra dicitur, cū
ius creditoris nondum propter moram
deterius factum est. Itaq; siue parata ti-
gna tempore corrūpi cœperint, siue ali-
quot operarum mercedes perierint: siue
cum iudicio sisti promissum est, actio tē-
pore perierit. l. etsi post tres, 8. D. si quis
caut. siue seruus promissus manumissus
sit. l. mancipiorum, 6. D. de opt. leg. tum
neq; res integra esse dicitur, neq; moræ
purgādæ locus ullus est. Deniq; quoties
creditoris interesse cœperit, res nō am-
plius in integro esse iudicatur. l. utiq; 22.
D. de arbit. Et l. si ita quis, 35. §. j. D. de
uerb.

uerb. obligationib. illis uerbis, Nec mulieris quicquam propter eam moram interesset. Quod cum ita sit, haud scio an non multo probabilius sit, repudiata cōmuni & recepta opinione statuere, quoties aut dies sola, aut dies simul cum poena obligationi faciendæ adiecta est, die præterita moræ purgandæ locum non esse. Cuius nostræ sententiæ hæc non est: quoniam dies data opera adijci uidetur in stipulationibus, primū ut lapsus temporis & propinquitās præstituta diei debitorem officij sui assidue admoneant sic, ut officium negligere prope modum sine lata culpa non possit, l. magnam. c. de cont. stipul. Deinde ut creditores debitoribus quodammodo denuntient fore, ut post eam diem sua intersit, qua de causâ uulgo traditur obligationi faciendi, ut superius docuimus pecuniæ obligationem, id est, eius qd interest, mora cōmissa succedere, &c.

Itaq; Vlpianus in l. si fundum, 114. D. eod. Si fundum, inquit, certa die dari stipuler, & per promissorem steterit, quo
mi

minus ea die præstetur, cōsecuturum ne quanti mea interfuerit moram factam non esse. Quibus ex uerbis intelligi potest, cum die præterita interlit, ubi autem creditoris interfuit, moræ purgandæ locum non esse : nequaquam mirum esse si in isto obligationum genere hoc statuamus. Sed nihil æquè nostram sententiã confirmat, ut id quod Scæuola scribit in l. 41. §. intra certa, ij. D. de fideicom. lib. Qui iussi erant esse liberi si intra certa tempora rationes redderent, conditioni non paruerunt. Postea, inquit, parati erant. quæsitum est, an perueniant ad libertatem si per ipsos steteret, quominus intra tempora præscripta conditioni parerent, non ideo liberos fore, quòd postea rationes uelint reddere. Quod propterea institutum arbitror, quoniam, ut superius dicebamus, lapsus temporis assidue debitorem interpellans, & (ut ueteres in hoc negotio loquebantur) flagitans, eum in lata culpa quodammodo constituit. Quod etiam apertissime confirmatur in l.

in l. Celsus, 23. D. de arbit. Vbi Vlpianus
& Celsus aiunt, Si arbiter intra kalendas
dari iusserit, nec datum erit, licet postea
offeratur: attamen semel commissam
pœnam compromissi non euanescere,
quoniam semper uerum est intra kalen-
das datum non esse. Atque hæc quidem
de rei integritate dicta sint, si modò il-
lud addiderimus, ad hunc quoque lo-
cum pertinere illam regulam qua tradi-
tur, si conuenit inter contrahentes, ut
moræ purgandæ locus non sit, seruan-
dam esse conuentionem, l. sancimus, §.
sui autem & de fideiuss. quoniam bene-
ficio legis per pactum renuntiari po-
test. l. pacta quæ contra, C. de pact. l. si
quis in conscribendo, & l. ult. C. eodem.
Ad hunc autem locum iccirco illud per-
tinet, quoniam actio creditori qualita
est, quam nulla ratio est ei auferri. l. pe-
nult. D. de pact. l. habere, D. de euict.
Hoc autem ubi pœna una cum die ad-
iecta est, multò probabilius recipitur.
quippe cum pœna eius quod interest
complectendi, & definendi causa, sub-

H iicia-

ñciatur. l. ult. D. de stipul. prætor. quare cum pœna commissa interesse statuatur, & superius dictum sit, ubi actoris interest, rem integram non esse, non mirum est, si Africanus in l. traiectionis, 23. D. de oblig. & actionibus scribat, eum qui traiectionem pecuniam ad diem non soluit, quamvis pecuniam postea offerat, nihilominus pœnam committi. Idonea autem solutionis oblatio uariè pro uarijs obligationum generibus æstimatur. nam in plerisque obligationibus dandi ea idonea dicitur, quam Iudex satis tempori factam arbitratus est: quippe cum ea res ex bono & æquo tota pendeat, uti scribit Celsus adolescens in l. si seruum, 91. §. sequitur. D. de uerb. oblig. ait enim eum qui moram fecit in soluendo Sticho quem promiserat, posse emendare eam moram postea offerendo. Esse enim hanc quæstionem de bono & æquo, in quo genere plerunque sub auctoritate iuris scientiæ perniciosè erratur. Itaque Scæuola in d. l. si ita quis, §. i. totum hoc arbitrio prudentiæ
qué

quæ iudicis committendum putat. Quod omne, inquit, ad iudicis cognitionem remittendum est. Eiusque rei summa est æquitas: quoniam (ut Imp. scribit in §. ult. de perpet. & temp. act.) olim omnia iudicia erant absolutoria. At in obligationibus operis faciendi litis contestatæ tempus præscriptum est, uti constat ex l. si insulam, 84. D. de verb. oblig. ubi Paulus sic scribit, Si insulam fieri stipulatus sum, & transierit tempus quo potuerit facere, quandiu litem contestatus non sim, posse te facientem liberari placet. quod si litem eam contestatus sim, nihil prodesse tibi si ædifices. Itaque intelligenda est l. continuus, 137. §. 3. D. eod. ubi Venuleius ait, Transacto tempore quo insulam consummari oportuerit, si postea ædificetur, liberari reum. Quod eodem modo iudicandum est de his obligat. dandi, in quibus aliud in petitione, aliud in præstatione est. ueluti cum penus legata est, & pecunia petitur. l. j. D. de penu legata. l. cum sine, 19. & l. si penum, 24. D. quando dies legat. aut cū

decem in mille stipulata sunt. l. si quis sti-
pulatus, 57. D. de solut.

His ita constitutis tertia pars sequitur,
ut oblatione solutionis mora purgetur,
& omne periculum futurorum casuum
à debitore abeat, atque in creditorem
transferatur. Itaque Paulus in l. inter-
dum 73. §. j. D. de uerborum obligatio-
nibus. Stichus promissor, inquit, post mo-
ram offerendo purgat moram. Et Cel-
sus in l. cum decem, 72. §. j. D. de solut.
Verum est, inquit, cum qui interpella-
tus dare noluit, offerentem postea peri-
culo liberari. pro soluto enim id esse o-
portet, in quo creditor accipiendo mo-
ram fecit. Item Paulus in l. semel mora,
26. D. solut. mat. Semel mora facta, in-
quit, si seruum dotalem postea offeren-
te marito mulier accipere noluerit, &
ita is decesserit, non debet pretium e-
ius, maritus uel heres eius, ne ob id dam-
num sentiat, quod postea offerente eo
mulier accipere noluit. Eoque illud
uulgatum pertinet ex dicta l. illud, de
peric. & comm. moram posteriorem
noce-



nocere. l. si per emptorem, D. de actionibus empt.

Atque hæc quidem de purgatione moræ, quæ à debitore facta est, dicta videntur satis: nunc quod ad creditorem attinet, intelligendum est idem ei quoque concessum esse, quemadmodum intelligitur ex l. si ita quis, 135. §. j. D. de verb. oblig. ubi l. Titio creditori qui moram fecerat, moræ purgandæ facultas permittitur, ut agere possit.

F I N I S.

1871

[Faint, illegible handwritten text]

BASILEAE ANNO
Domini, M. D. LXI. Mense
Septembri.

